


牧齋有學集

928
ボ
一





牧齋有學集

四部叢刊集部

上海涵芬樓景印

原刊本原書板心

高營造尺六寸寬

四寸三分

有學集序

傳稱三不朽太上立德其次立功其次立言古之人三合爲一今仁義道喪事勳希微獨有立言耳而言亦難矣剽竊之儒繩規而矩步得其象貌失其精神跼蹐之士恃聰而騁明始

乎離奇終乎淺陋兩者交譏遞相勝
負而莫知所主神而明之存乎其人
牧齋先生產於明末乃集大成其爲
詩也擷江左之秀而不襲其言竝艸
堂之雄而不師其貌間出入於中晚
宋元之間而渾融流麗別具鑪錘北

地爲之降心湘江爲之失色矣其爲
文也仰觀雲霞之變俯察山川之奇
中究人物品類之盛本之六經以立
其識參之三史以練其才游之八大
家以通其氣極之諸子百氏裨官小
說以窮其用文不一篇篇不一局如

化工之肖物縱橫變化而不出乎宗
又如景星卿雲光怪陸離世所希見
而不自知其所至信藝苑之宗工詞
林之絕品也近世論文者率云寧爲
真布帛勿爲僞綺羅然才短則氣局
不雄境僻則章施不爛若富有日新

從心不踰矩不得不以此事相推矣
先生目下十行老而好學每手一編
終日不倦尤留心於明史博詢旁稽
纂成一百卷惜燬於絳雲一炬豈天
喪斯文耶或所論之人爲造物忌而
靳之耶抑如龍門是非有謬於聖而

不欲傳之耶幸初學集已經付梓得
留人間晚年名益高望益重頽然應
酬亦自病其濫觴易簣時乃以手訂
有學集授遵王余子弟爲及門故得
見而知之合之而先生之文盡千古
之文亦盡於此或有執尺寸過求先

生吾所謂不朽者立言耳他何知焉

康熙甲辰陽月范陽後學鄒鎡序



牧齋有學集目錄

第一卷 秋楓詩集 起乙酉年
盡戊子年

詠同心蘭四絕句 短歌題管夫人書畫

南還別冬哥四絕句 七夕有懷

燕市別惠房二老 題海客釣鱉圖四首

別惠老二絕句 和東坡西臺詩六首

逢水榭故姬四絕句 鵝籠曲四首

送李生還長干 贈頂目禪人

觀程端伯畫冊作歌 次林茂之待月之作

次茂之重晤有感 再次茂之他字韻五首

盛集陶次他字韻重和五首

觀棋六絕句

後觀棋六絕句

題石崖秋柳小景

示林遺民古度二絕句

題金陵三老圖

贈濮仲謙

題丁家河房亭子

和盛集陶落葉詩二首

寒夜夢醒二十八字

荅盛集陶見贈二首

過茂之再次申字韻

禪關策進詩

次韻那子偶成之作

第二卷 秋槐詩支集

起己丑年盡庚寅四月

己丑元日試筆二首

荅盛集陶新春見懷

林那子七十初度

寄題廣陵菽園

題朱玉耶畫扇

荅何寤明見贈

馮研祥金夢蜚自武林唁我白門喜而有作
疊前韻別研祥夢蜚三首

戲爲天公惱林古度歌

汪氏收藏目錄歌

徐元歎六十

歲暮讌集四首

蜡日戲示三王生

賜蘭堂壽讌詩四首

贈崇明侯杜弢武四首

庚寅人日二首

人日示內二首

贈黃若芷四絕句

附

贈徐存永陳開仲過訪見贈四首

燕新樂小侯二首

第三卷 夏五詩集

起庚寅五月盡一年

早發七里灘

五日釣臺舟中

五日夜泊睦州

婺州懷古

嚴先生祠下留別

桐廬道中

留題湖舫二首

西湖雜感二十首

東歸漫興六首

感歎勾園再作

以酒炙餉韓古洲

書夏五集後

第四卷 絳雲餘燼詩上

起辛卯月盡一年

送孟君歸甘州二首 故司禮盧太監

方庵詩 書梅村艷詩後四首

京口渡江有寄 登福緣佛閣四首

贈歌者王郎十四絕句

題丁老畫像四絕句 送石濤上人十四絕句

贈喻嘉言

送汪雲卿二首

哭稼軒留守一百十韻

簡陸兆登問疾

孟陽冢孫過訪二首

西田詩十二首

京口觀棋六首

寄嶺外四君詩四首 訪大山禪人四絕句

王文選

吳巨子兀齋詩

朱逃禪四十詩

胥山草堂詩

贈盧子繇

雲將納妾

壯遊贈顧南金

東臯老僧

七十荅人見壽

第五卷 絳雲餘燼詩

下起甲午年
盡乙未秋

和墨春秋興卷二首

和東籬秋興詩二首

題僧卷

丁繼之七十四首

觀吳園次懷人詩二首

次韻題趙友沂四首

贈別友沂

題楊龍友畫冊

武林觀棋六絕句

寄湖州官使君

伏波弄璋歌六首

馮雲將八十

題孟陽畫扇

送吳興公游下邳

寄李條侯二首

李太公壽詩

爲戒香小師題扇

吳金吾生日二首

壽陳子木母四首

龔孝升四十初度詩

郭河陽溪山行旅圖

題柳枝春鳥圖

宿假我堂夢謁吳相伍君感而有作

夜飲漾水園四絕句 假我堂文謙詩十首

放歌爲朱生壽

贈盛子久

煙屏詞十二首 贈張燕筑二首

芥閣詩次中峰歌八首

題鄒臣虎畫扇二首 莫釐峰頂登高二首

遊東山雨花臺 路易公置酒二首

朱內翰開宴二首

送吳梅村

題張穉昭扇八絕句

贈張坦公

京口避風館詩八絕句

第六卷

秋槐詩別集

起乙未冬
盡丙申春

宿白塔寺二首

寄李素臣

題黃甫及舫齋

題振衣千仞岡小像

閩再彭春西草堂二首

竹溪草堂歌

送松影上人二首

乙未除夕寄內

偕介丘道人守歲

丙申元日

王式之叅軍五十

題李長蘅畫

放歌行贈櫟園道人

再別櫟園

人日寄沈崑胡

催粧詞二首

左寧南畫像歌

留題水閣三十絕句

崑崙山人扇子歌

贈侯商丘四首

與姚茂之話舊

題滕王閣詩文十首

華嚴玄談四首

雲陽姜氏壽讌詩

趙澄臨棧道圖

第七卷 高會堂詩集

起丙申
盡一年

高會堂飲罷二首

七歲童子草書歌

贈姚方伯

荅張洮侯

荅董得仲三十二韻

荅宋子建

丙申重九四首

彩生索詩戲題八首

霞城置酒醉後作

贈徐武靜生日八百字

和子建韻四首

別彩生口占十絕句

荅沈生麟二首

贈顧生秀才

茸城惜別一千字

沈雪樵行脚詩

送龔孝升四首

題華堂新燕圖

第八卷 長干塔光詩集

起丙申年
盡丁酉年

讀雲林園事略一千字

題鶴江生詩卷

太清樓法帖歌

舍光師畫像二首

題畫

燕子磯舟中作

贈鄒流綺

櫂歌十首

自題小像四絕句

燕子磯歸舟作

題畫

題許有介詩集

謝鄧元昭致餼

橋山

一年

蕉園

雜人

長至宿長干禪榻 小至夜日蝕紀事

至日作家書二絕句 報恩寺塔放光二十韻

雁字詩十二首 贈小李大十二首

和純水僧房壁間詩 水亭撥悶二首

示藏社介丘道人 曜月八日長干薰塔

秦淮花燭詞四首 簡李學使二首

登毘盧閣 投宿崇明寺二首

金陵雜題二十五首 小桃源記短歌

第九卷 紅豆詩初集

起戊戌盡一年

題孟陽仙山圖 和些庵和尚補山堂歌

送人還白門 送蕭孟昉還金陵

六安黃夫人鄧氏 秦淮花燭詞十首

題王孟端畫竹二首 次韻酬覺浪

題孟陽畫扇十絕句 題菊齡圖六首

題歸玄恭畫像四首 吳母燕喜詩

寄元昭太史二首 戲題付衣小師

婁江謠五首

石鏡

送黃達可歸嶺南 後送達可

效坡公上已作

採花釀酒歌

勘夢遊集

桂殼詩四十五首

第十卷 紅豆詩二集

起己亥盡一年

過湖南草堂四首

酒逢知己歌贈馮研祥

乳山道士勸酒歌

送南雲和上

載花易酒詩

贈康孝廉

夫山和上枉訪四首

題荷花畫扇五絕句

雪月調笑詞十四首

徐元歎勸酒詞十首

覺浪和上挽詞八首

遲靜涵司農未至

呈夫山和上二首

徐叟八十勸酒歌

周安石七十

後秋興八首

第十一卷 紅豆詩三集

庚子年
辛丑年

宿述古堂四首

題豫章仙音譜八首

孫郎長筵勸酒歌

吁嗟行示張子石

荅梅公司馬二首

題浣花小影四首

贈玉玉映十絕句

戲題妓館二首

贈祝子堅

題嚴子家慶圖

和胎仙閣看紅豆花詩八首

丁老行送丁繼之

讀方爾止龕山詩

古詩贈王貽上

送林枋孝廉四首

紅豆詩十首

陳伯璣耦耕圖短歌

恤廬詩爲牧雲和上作

懸蛇行贈周茂廬 題金孝章挽冊

第十二卷 東澗詩集上

起壬寅
盡一年

過錦峰書院十韻 一月五日山莊作

六日述古堂文讌作 坝橋行

題破山四高僧圖 浮石和上偈二首

燈樓行

茸城弔許霞城

賀遵王生第五雛

送施偉長

小閣雅集四首

寒夜記夢

贈張敬脩

題烟客畫扇

和飲荔 詩

秋日雜詩二十首

贈歸玄恭八十二韻

埋庵老人曾孫歌

題膝相士寫真

方生行送方爾止

老藤如意歌

題梅仙小像二絕句

後觀棋六絕句

和竹廊題壁二首

梅村洛兒歌十首 王玉映夫婦生日

第十三卷

東澗詩集下

起癸卯
盡一年

放歌行爲姚文初作 迎神曲十二絕句

答方望子

壽潘子倫

楊枝挑牙杖歌

和馮定遠詩三首

和述懷詩四十韻 消寒雜咏四十六首

第十四卷 序

歷朝詩集序 毛氏新刻十七史序

建文年譜序 啓禎野乘序

玉劍尊聞序 顏子疏解序

藝林彙考序 內閣小識序

鄉環類纂序 鏡古篇序

第十五卷 序二

吳江朱氏杜詩輯註序

草堂詩箋原本序

註李義山詩集序 朱長孺註李義山詩序
新刻震川先生集序 李忠文公文水集序

成文穆公集序 傳文恪公集序

第十六卷 序三

李孝貞傳序 錫山重修宗譜序

棋局新譜序 王氏族譜序

醫門法律序 傷寒捷徑書序

歷朝應制詩序 本草拔萃序

鼓吹新編序 愛琴館評選詩慰序

唐詩英華序 唐詩鼓吹序

註李義山詩集序 朱長孺註李義山詩序

董文敏公遺集序

杜炭武集序

黃陶庵集序

瞿福桂浩氣吟序

佟氏幽憤錄序

范勛卿文集序

高玄期景玄堂集序

高寓公稽古堂詩集序

高念祖懷寓堂詩集序

第十七卷 序四

吳梅村詩集序

季滄葦詩集序

施愚山詩集序

宋子建遙和集序

宋玉叔安雅堂集序

王貽上詩集序

周元亮賴古堂合刻序

賴古堂文選序 申比部詩序

江田陳氏家集序

葉九來經鋤堂詩序

金爾宗詒翼堂集序

四照堂文集序

第十八卷 序五

卓去病全集序

程孟陽耦耕堂集序

李貫之存餘藁序

蕭伯玉春浮園集序

徐存永尺木集序

唐祖命詩集序

梅杓司詩集序

范長倩石公集序

徐女廉遺集序

陳古公詩集序

陳昌箕日記詩集序

陳古公詩集序

胡致果詩序

李黼臣甲申詩序

湖外野吟序

第十九卷 序六

咸子詩序

蔡大美集序

曾青藜詩序

彭達生晦農草序

邵潛夫詩序

張子石西樓詩序

張公路詩集序

華仲通集序

葉聖野詩序

孫子長詩序

歸玄恭恒軒集序

顧麟士詩序

陸勑先詩序

周孝逸文藁序

遵王筆雲集序

交蘆言怨集序

第二十卷 序七

李叔則霧堂集序

呂季臣詩集序

陳喬生詩集序

李緇仲詩集序

學古堂詩集序

空一齋詩序

新安方氏伯仲詩序

婁江十子詩序

黃庭表忍庵詩集序

陳確庵集序

梅仙詩藁序

從遊集序

楊弱生且吟詩序

徐子能黃牡丹詩序

小山堂詩引

楊明遠詩引

王翰明詩引

二王子今體詩引

五石居詩引

李梅公唱和初集引

嘯雪庵詩序

黃皆令新詩序

第二十一卷 序八

楞嚴志略序

憨山大師夢遊集序 嶺南刻夢遊集序

紫柏尊者別集序

密藏禪師遺稿序

退庵儲和尚語錄序

石林上人寄巢詩集序

天童山翁禪師文集序

金剛經了義引

第二十二卷 贈序一

贈谷愧菴序

贈別施偉長序

贈別胡靜夫序

贈程穆倩序

贈愚山子序

送南昌丁景呂序

送方爾止序

贈覺浪和尚序

贈馬文學序

贈雙白居士序

第二十三卷 壽序一

黃甫及六十序

李秀東六十序

曜日篇贈華仲通

歲星解贈薛諧孟

黃子羽六十序

孫子長六十序

楊鳳閣壽讌序

張子石六十序

沈長公七十序

陳溫如八十序

吾宗篇壽虎文八十

毛子晉六十序

第二十四卷 壽序二

杜大將軍七十序

錫山趙太史六十序

趙景之太史六十序

韓古洲太守八十序

吳封君七十序

王烟客奉常七十序

大梁周氏壽讌序

吳祖洲八十序

嘉定金氏壽讌序

鄭士敬孝廉六十序

王兆吉六十序

第二十五卷 壽序三

白法長老八十序

石林長老七十序

壽量頌爲退和尚

壽梁母吳太夫人序

聞母鄒太君七十序

吳母徐太孺人八十序

遠山夫人四十初度頌并序

華母龔夫人八十序 袁母吳氏旌節頌并序

第二十六卷 記一

述古堂記

黃氏千頃齋藏書記

西田記

蓮蓋樓記

雲陽草堂記

竹溪草堂記

舫閣記

西爽齋記

第二十七卷 記二

孟津縣關帝靈感記

揚州石塔寺復田記

華山寺新建講堂記

雙河衆香庵記

吳郡西園戒幢律院記

地藏庵記

王氏始祖祠堂記

第二十八卷 墓誌銘一

錢氏義莊記

督漕李使君去思記

太子太傅吏部尚書劉文端公墓誌銘

太子太保吏部尚書梁貞敏公墓誌銘

南京祭酒贈翰林院侍讀學士許公墓誌銘

都察院右僉都馮公墓誌銘

南京工部右侍郎徐公墓誌銘

第二十九卷 墓誌銘二

贈太僕寺卿李忠毅公墓誌銘

御史李府君墓誌銘

孫長君墓誌銘

方孟旋墓誌銘

第三十卷 墓誌銘三

太子太保吏部尚書王公墓誌銘

宮保孟津王公墓誌銘

贈吏科給事中柯君墓誌銘

福建布政司朱君墓誌銘

安遠將軍王君墓誌銘

內鄉孝廉許君墓誌銘

遼東王府君墓誌銘 樂安唐君墓誌銘
王府君墓誌銘

第三十一卷 墓誌銘四

尹孔昭墓誌銘

蕭伯玉墓誌銘

陸孟鳴墓誌銘

黃子羽墓誌銘

華仲通墓誌銘

周安期墓誌銘

毛子晉墓誌銘

王德操墓誌銘

薛更生墓誌銘

何君實墓誌銘

族孫裔肅墓誌銘

第三十二卷 墓誌銘五

卓去病墓誌銘

汪然明墓誌銘

李貫之墓誌銘

歸文休墓誌銘

潘汝躍墓誌銘

楊無補墓誌銘

顧君升墓誌銘

陳溫如墓誌銘

顧象垣墓誌銘

雲間道人生曠記

從祖府君改葬誌

第三十三卷 墓誌銘六

熊母皮太安人墓誌銘

佟母陳淑人墓誌銘

李母張宜人墓誌銘

林淑人墓誌銘

張孺人墓誌銘

趙夫人張氏墓碑銘

瞿孺人墓誌銘

旌表節婦從祖母徐氏墓誌銘

錢令人趙氏墓誌銘

顧貢士妻陸氏墓誌銘

第三十四卷 神道碑一

少保文淵閣大學士成文穆公神道碑

太保都察院左都御史李忠文公神道碑

新鄉張府君神道表

第三十五卷 神道碑二

和州魯氏神道碑

吏部稽勳司李公墓碑

雲南按察司陳君墓表

周參軍墓表

孝廉陳君墓表

孝介先生朱君墓表

芥庵道人塔前石表

孫徵士照隣墓表

翁約之墓表

教讀謝君墳表

第三十六卷 塔銘一

憨山大師曹溪肉身塔院碑

密雲禪師塔銘

道開法師塔銘

固如法師塔銘

第三十七卷 傳 祭文 哀詞

吳金吾小傳

金文學小傳

蓮葢居士傳

嘉興高氏家傳

沈節婦傳

石林長老小傳

祭蕭伯玉文

祭虞來初文

徐巨源哀詞

嚴宜人文氏哀詞

第三十八卷 書一

荅杜蒼略論文書

再荅蒼略書

荅徐巨源書

與嚴開正書

荅吳江潘力田書

復方密之書

卷之三十九

復徐巨源書

與吉水李文孫書

荅王于一論文書

第三十九卷

書二

與族弟君鴻書

復李叔則書

荅徐伯調書

復吳江潘力田書

荅徐禎起書

與方爾止書

與王燕客書

復遵王書

第四十卷

書三

與惟新和上書

與素華禪師書

復卽中乾老書

荅覺浪和上書

又荅覺浪和上書

寄內衛法師書
復天然呈和上書

第四十一卷

疏

大報恩寺募補藏疏

募刻大藏方冊疏

淨慈寺募建禪堂疏

永定寺募興造疏

普德寺募脩禪堂疏

乾元道人祠屋疏

爲柳敬亭墓葬引

第四十二卷

贊

偈

頌

觀世音菩薩贊

關聖帝君像贊

紀鄣娶婦贊

漢新城三老董公贊

報慈圖序贊

遠法師書論序贊

寒松齋詞翰卷贊

王侍御遺詩贊

小周郎畫像贊

雪夜訪趙普圖贊

文文肅公畫像贊

馮開之畫像贊

閻寧前畫像贊

王烟客真贊

吳節母王氏贊

陳昌箕畫像贊

周安期畫像贊

周安石畫像贊

毛子晉真贊

袁叔言小影贊

何總戎畫像贊

姚將軍採藥圖贊

顧子東畫像贊

朱逃禪小像贊

第四十三卷 雜文一

申包胥論

四皓論

顏延年論

釋迦方志辨

釋迦方志續辨

憨山大師託生辨

第四十四卷 雜文二

首楞二十五圓通揀法解

憨山大師科經總義或問

景教考

嘆譽

原諱

愚樓對

重建商相巫公祠堂碑

吉水李氏旌門頌銘

就亭銘

第四十五卷 雜文三

古文談苑摘錄後記 憨山大師遺事記

書華山募田冊子 書史記齊太公世家後

萃止軒記 家塾論舉業雜說

第四十六卷 題跋一

宋刻書跋 跋玉臺新詠

跋高誘註戰國策 跋東都事略

跋春秋繁露

又

跋吳越春秋

跋方言

跋楊子法言

跋列女傳

跋新序 跋聶崇義三禮圖

跋道德經指歸 跋十家道德經註

跋抱朴子 跋本草

跋王右丞集 跋文中子中說

又 跋李肇國史補

跋禮部韻略 跋酒經

跋吟窓小會前卷 跋營造法式

跋真誥

跋高麗板柳文 跋皇華集

書宋雕兩漢書後 唐人金剛經石刻跋

題懷素草書卷 李忠毅公遺筆跋

題董玄宰書山谷題跋

跋紫柏大師手札

題書金剛經後

題尹子求臨魏晉帖

書張子石臨蘭亭卷

題鄭千里畫冊

題聞照法師藏畫冊

題吳漁山臨宋元畫縮本

題王石谷畫冊

第四十七卷 題跋二

自跋留侯論後

題紀伯紫詩

題程穆倩卷

題燕市酒人篇

題遵王秋懷詩

題龔孝升書近詩冊

書黎美周詩序後

跋蕭孟昉花燭詞

明媛詩緯題詞

書瞿有仲詩卷

書梅花百詠後

嗜奇說書水墨庵詩卷

題徐少白詩卷後

題西湖竹枝詞

題李屺瞻谷口山房詩

第四十八卷 題跋三

題地輿歌

後香觀說書介立詩卷

題桃溪詩稿

題嚴武伯詩卷

題費所中詠古後 再與嚴子論詩語

題馮子永日草

題梅花紀遊詩

題介立詩

題顧伊人詩

題塞上吟卷

題鶴如詩卷

又題像贊

題山曉嘯堂詩

題淨土詠懷詩

南來堂拾藁題辭

第四十九卷 題跋三

題邵得魯逃塗集

讀宋玉叔文集題詞

題顧與治遺稿

書趙太史魯遊稿後

題杜蒼略自評詩文

題武林兩關碑刻

題王文肅公南宮墨卷

題施氏先世遺冊

題王周臣文藁

題吳江周氏家譜後

書徐府君行實後

題徐仲光藏山稿後

讀歸玄恭看花二記

書廣宋遺民錄後

題施秀才卷

跋錢礎日哀言

題谿南雜記

題郭氏五馬榮歸集

書郭氏五馬榮歸集

第五十卷 題跋四

題大悲心陀羅尼經後

書憨大師十六觀頌後

書憨大師十六觀頌後

題十八祖道始頌書遠公明報應論後

題華嚴法會雙啓藏逸經書標目後記

題李小有戒殺文

題官和尚天外游草

讀印心七錄事

書惟謗上座詩後

題無可道人借廬語

書湧益道人自傳後

題沈石天頌莊

牧齋有學集卷一

秋槐詩集

咏同心蘭四絕句

新粧才罷採蘭時忽見同心吐一枝珍重天公裁剪
意粧成歛拜喜盈眉

獨蒂攢花簇一心紫莖綠葉枉成林花神幻出非無
謂應與如蘭比斷金

並頭容易共心難香草真當目以蘭不似西陵凡草
木漫將啼眼引郎看

花發秋心賽合歡秋蘭心好勝春蘭花前倒挂紅鸚

鵝恰比西方共命看

觀管夫人畫竹并書松雪公脩竹賦敬題短歌

仲姬寫竹如作書八分篆籀相扶疎金刀屈鐵應手
出頭白蕭郎爭得如仲姬作書如寫竹雨葉風枝披
簡牘况復追趨松雪翁鬼起鶴落誰能逐白蓮花庄
風日暘鷗波亭子翰墨香仲姬放筆自歛衽文敏展
玩爲彷徨天上人間此佳耦齊牢共命兼師友祗應
贊歎復頂禮豈問榮華論妍醜多生願力然燈時世
人豔妬徒爾爲却笑吹簫吾瞎子諧謔空傳倒好嬉
丙戌南還贈別故侯家妓人冬哥四絕句

繡嶺灰飛金谷殘內人紅袖淚闌干臨觴莫恨青娥
老兩見仙人泣露盤

天樂荒涼禁苑傾教坊淒斷舊歌聲臨岐只合憎騰
去不忍聽他唱渭城

虹氣橫天易水波烏頭馬角事如何卷衣宮女知多少
誰記邯鄲一曲歌

師師垂老杜秋哀金縷歌殘盡此杯惆悵落花時候
別江南花發遲君來

丙戌七夕有懷

閣道垣牆總罷休天街無路接清秋生憎銀漏偏如

舊橫放天河隔女牛

燕市別惠房二老

白駒未繫又離筵北斗南箕信可憐璧馬朝周才信宿金人辭漢已千年房公鵝爲清池好惠子驃因空谷傳龍漢割中期後會灞陵回首重依狀

丁亥夏題海客釣鰲圖四首

海客垂綸入森茫新添水檻攬扶桑崆峒仗與羲和杳安得乘槎漾水旁

貝闕珠宮不可尋六鰲風浪正陰森桑田滄海尋常事罷釣何須歎陸沉

陰火初銷黑浪遲投竿錯餌自逶迤挨他海底珠如月恰是驪龍晝睡時

老馬爲駒氣似虹行年八十未稱翁勞山拂水雙垂釣東海人稱兩太公

別惠老兩絕句

一別三千里相看七十年明朝數行淚沾酒各山川頭白此爲別忍聽班馬鳴但餘雙涕淚零亂似平生

和東坡西臺詩韵六首

丁亥三月晦日晨興禮佛忽被急徵銀璫拖曳命在漏刻河東夫人沉疴臥蓐蹶然而起昌黎從行

誓上書代歿否則從死慷慨首塗無刺刺可憐之語余亦賴以自壯焉獄急時次東坡御史臺寄妻子以當決別獄中遏紙筆臨風闇誦飲泣而已生還之後尋繹遺忘尚存六章值君三十設帨之辰長筵初啓引滿放歌以博如臯之一笑并以傳暎同聲求屬和焉

朔氣陰森夏亦凄空蒼四蓋破天低青春望斷催歸鳥黑獄聲沉報曉雞慟哭臨江無壯子徒行赴難有賢妻重圍不禁還鄉夢却過淮東又淛西

陰宮窟室晝含淒風色蕭騷白日低天上底須論玉

兔人間何物是金雞肝腸迸裂題襟友血淚模糊織錦妻却指恒雲望家室滹沱河北太行西

紂絕陰天鬼亦妻波吒聲沸柝鈴低不聞西市曾牽犬浪說東城再鬪雞並命何當同石友呼囚誰與報章妻可憐長夜歸俄頃坐待悠悠白日西

三人貫索語酸妻主犯災星僕運低洩溺關通真並命影形絆縛似連雞夢回虎穴頻呼母詰到牛衣並念妻尚說故山花信好紅闌橋在畫樓西余與二僕共楷摹者

六月霜凝倍憎悽骨消皮削首頻低雲林永絕離羅

雉砧几相鄰待割雞墮落刦塵悲宿業飯依法喜媿
山妻西方西市原同觀縣鼓分明落日西

棓拳扶將獄氣妻神魂刺促語言低心長尚似拖腸
鼠髮短渾如禿幘雞後事從他携手客殘骸付與畫
眉妻可憐三十年來夢長向山東遼水西

金壇逢水榭故妓感歎而作凡四絕句

黃閣青樓盡可哀啼粧墮髻尚低徊莫欺鳥爪麻姑
老曾見滄桑前度來

剩水殘山花信稀瑣窓鸚鵡舊籠非儂家十二珠簾
外可有尋常燕子飛

身輕渾欲出鵝籠巾袖低徊光景中還似他家舊樓
館吹簫解珮下屏風

春病春心自攬持道家裝束也相宜知君恰比仙人
子腸斷宮花欲嫁時

籠鵝曲四首示水榭舊賓客

午夜宮花絕命詞鎖鍊聲急漏聲遲書生一霎懵騰
夢恰似鵝籠酒醒時

籠窓啼絕夜鳥聲珠履蕭條翠袖行惟有昔時陽羨
路鵝籠猶識舊書生

瞿渝月冷畫堂空浪檠飄花一瞬中錦帳金盤何處

所可憐贏得舊鵝籠

淺絳衣衫蓮葉巾近前丞相不須嗔書生未省長暝去只爲鵝籠別有人

吳門春仲送李生還長干

闌風伏雨閹江城扶病將愁起送行烟月揚州如夢寐江山建業又清明夜鳥啼斷門前柳春鳥銜殘花外櫻尊酒前期君莫忘藥囊吾欲傍餘生

贈項目禪人

曉日穹窿汎鼓鳴山茶樹上鵝鴟聲渾身是眼原非眼有眼何須頂上生

廣陵舟中觀程端伯畫冊戲爲作歌

大癡仙人不肯人間住萬里軍持入烟霧少年結隱虞山麓把酒看山每日暮西圖華岳通箭括南寫匡廬掛瀑布千山萬壑擁現十指端盤礴皴染仍是家山釣遊處平生熏習老不忘一重一掩自吞吐雪浪參差劍門石烟嵐掩靄石城樹我昔讀書此山中丙舍連山抱丘墓每指虞山誇似人此是大癡真畫具自從喪亂走塵埃拋擲家山北行路風窓雲戶歸渺茫蟹舍漁莊傍沮洳今日何日見此本紙上烟巒忽盤互重山複嶺看不足浮嵐煥翠喜重寤嗟君如椽

大手筆間却詞頭理毫素厭看河陽玉堂壁夢落龍
圖楚江渡游戲丹青學子久意匠經營有神遇疊山
恐被葵丘嘲臨本應爲石田妬得非一峰老人今再
生不狀虞山粉本誰與交手付是時薄游廣陵歲云
暮那江漠漠愁江沴蕃釐花殘但禾黍隋堤柳禿無
飛絮策蘿灣頭萬樹鴉夏國墳荒何處駐竹西歌吹
又喧闐對盡沉吟感情慙歸與歸與勿猶豫埽除茅
茨守塲圃金鱉夜半左股已失却還愁君家畫笥又
捲虞山去

次韵林茂之戊申中秋白門寓舍待月之作

空堦荇藻影沉浮管領清光兩白頭條界山河原一
點平分時序也中秋風前偏照千家淚笛裏橫吹萬
國愁無那金昌今夜月雲鬟香霧更悠悠

次韵茂之戊子秋重晤有感之作

殘生猶在訏經過執手祗應喚奈何近日理頭梳齒
少頻年洗面淚痕多神爭六博其如我天醉投壺且
任他歎息題詩垂句後重將老眼向關河

再次茂之他字韵

覆杯池畔忍重過欲哭其如淚盡何故鬼視今真恨
晚餘生較死不爭多陶輪世界寧關我針孔光陰莫

美他遲暮將離無別語好將白髮喻觀河

殘書繙罷刻灰過汗簡崔鴻奈史何貢矢未聞虞服
少專車長誦禹功多荒唐浪說程生馬謖謬眞成字
作他東海揚塵今幾度錯將精衛笑填河

風輪火刦暮年過未歟將如朽貫何逐鹿南公車乘
少操蛇北叟子孫多地更侯甸徒爲爾天改星辰可
任他李賀漫歌辭漢淚不知鉛水已成河

涼風撼撼凜秋過枯樹婆娑奈爾何遼鶴定知同伴
少楚囚剛道一身多茫茫禹跡今如此憒憒天公莫
怨他惆悵渡頭桃葉女板橋猶說舊秦河

秋燈暖壁暗蛩過長夜漫漫復幾何騎鶴張翁羅網
少豢龍劉累牧芻多問天辭畢誰酬我罵鬼書成就
致他夢噩酒悲頻慟哭不因除館泣西河

見盛集陶次他字韵詩重和五首

槍口刀尖取次過銀鐺其奈白頭何壯心不分殘年
少悲氣從來秋士多世欲屠龍愁及我人思畫虎笑
由他端居每作中流想坐看衝風起九河
敗壁疎帷朔氣過夢長休問夜如何天星象緯依躍
少地角龍蛇起陸多楚奏鍾儀能忘舊越吟莊鳥忍
思他西鄰象戲秋燈外抵几喧呶競渡河

秋衾銅輦夢頻過四壁陰蟲聒謂何北徙鵬憂風力
少南飛鵠恨月明多杞妻崩雉真憐汝苦婦量城莫
甚他却笑玉衡無定準天街仍自限星河

白翎雀斷海青過蜀魄啼如來路何肅慎矢棓天柱
少支祈神鑽地維多周占墨食寧欺我楚尹狐疑莫
問他漫道張騫能鑿空終將一葉到天河

八翼摧殘六鶴過呼膺躍馬意如何天迴鶴火三精
在地長龍沙一柱多鶻識北來仍喚汝梟謀東徙莫
知他夜闌挹酒朝南極箕尾芒銷爛絳河

觀棋絕句六首

當局休論下子遲爭先一着有人知由來國手超狀
處正在推枰歛手時

一局分曉小刣期餘尊尚湛日初移人間多少樵薪
子努目仙人爲看棋

黑白相持守壁門龍拏虎攫賭侵分重瞳尚有烏江
敗莫笑湘東一目人

渭津老子解論兵半局偏能讓後生奕到將殘休戀
保睹得宣城太守迴
冠鶲巾鷗趁劫灰西園諧價笑喧逐白身誰以羊立
殺花陰漏日轉楸枰

疎簾清簟楚江秋
剝啄叢殘局未收
四句乘除老僧在
看他門外水西流

後觀棋絕句六首

客舍蕭辰看奕棋
秋風卷簾響枯枝
空庭落葉聲如掃
爭似盤中下子遲

一枰犖確競秋風
對局旁觀意不同
眼底三人皆國手
莫將鼎足笑英雄

是日周老姚生對奕汪幼青旁看

寂莫枯枰響沉濁
秦淮秋老咽寒潮
白頭燈影涼宵裏
一局殘棋見六朝

飛角侵邊刦正闌
當場黑白尚漫漫
老夫袖手支頤

看殘局分明一着難
霜落鍾山物候悲
白門楊柳總無枝
殘棋正似鳥棲候
一角斜飛好問誰
閑江樓下草迷離
江水遙連淝水湄
傳語八公閑草木
謝公無事但圍棋

題沈朗倩石厓秋柳小景

刻露巉巖山骨愁
兩株風柳曳殘秋
分明一段荒寒
景今日鍾山古石頭

觀閩林初文孝廉畫像讀徐興公傳書斷句詩
二首示其子遺民古度

抗疏捐軀世所瞻裳衣曳削貌清嚴可知酌古陳同
甫應有承家鄭所南

文甫爲人陳亮是興公作傳水心同永康不歎臨安
在于古江潮恨朔風

題金陵三老圖

三老衣冠彼一時畫圖省識起遐思青鞶布襪唐賢
像脩竹清流晉代詩鳳去梧桐還有樹烏啼楊柳已
無枝秦淮烟月經遊處華表歸來白鶴知

贈濮老仲謙

滄海茫茫換劫塵靈光無恙見遺民少將楮葉供遊

戲晚向蓮花結淨因杖底青山爲老友牕前翠竹似
閒身堯年甲子欣相並何處桃源許卜鄰君與余
同壬午

題丁家河房亭子

在青溪篠步之間

花邊柳外市朝新夢裏華胥自好春夾岸麌塵三月
柳疏窓金粉六朝人小姑娘溪水爲鄰並邀篠風流是
後身白首吳鈞仍借客看囊一笑是長貧

和盛集陶落葉詩二首

寒林萬樹怨蕭騷只爲中庭一葉凋波下洞庭齊颯
杳風高榆塞總漂搖平原縱獵埋狐窟空谷虛弦應
鳥巢最是風流殷太守不堪惆悵自攀條

秋老鍾山萬木稀凋傷總屬刦塵飛不知玉露涼風
急只道金陵王氣非倚月素娥徒有樹履霜青女正
無衣華林慘澹如沙漠萬里寒空一雁歸

寒夜夢醒忽得二十八字似是早春宮詞

小闌脩竹綰官梅淑氣先從御柳回二十五家春宴
罷不知何處是蓬萊

次韵答皖城盛集陶見贈二首盛與林茂之鄰
居皆有目疾故次首戲之

枯樹婆娑隕涕攀祗餘蕭瑟傍江關文章已入滄桑
錄詩卷寧畱天地間汗史血書讐故簡烟騷魂哭怨

空山終愁商頌歸玄鳥麥秀殘歌詎忍刪

有瞽鄰牆步屢親摩杪攬鏡笑看人青盲恰比瞳曨
日象罔聊爲示現身並戴小冠希子夏長懸內傳配
師春徐州好士今無有書尺何當代爾申

歲晚過茂之見架上殘帙有感再次申字韵

地濶天高失所親妻狀問影尚爲人呼囚獄底奇餘
物點鬼塲中雇賃身先祖豈知新歲曆邊人不解故
家春可憐野史亭前叟掇拾殘叢話申申

禪關策進詩有示

漫天畫地鬼門同禪板蒲團在此中遍體銀鐺能說

汰當頭白刃解談空朝衣東市三生定懸鼓西方一
路通大小肇師君會否莫將醒眼夢春風

次韵那子偶成之作

妙湛終歸不動尊大無空現轉輪身神焦鬼爛人何
有地老天荒我亦貧春日田園新甲子用謝臯羽月泉詩社事
歲寒燈火舊庚申明年定酌桃花酒慶爾平頭七十
人

牧齋有學集卷一終

牧齋有學集卷一

秋槐詩支集

己丑元日試筆二首

春王正月史仍書上日依狀芳草初白髮南冠聊復
爾青陽左个竟何如三杯竹葉朝歌後一枕槐根午
夢餘傳語白門楊柳色桃花春水是吾廬

頻煩襍被卷殊書顧影頹狀又歲初自笑羈囚牢戶
熟人憐留滯賈胡如淵明弱女咿嚦候孺仲賢妻涕
淚餘爲問烏衣新燕子啞泥何日到寒廬

次韵盛集陶新春柬懷之作

暈碧裁紅記往年春盤春日事茫狀澗溼雒下今何
地鄴杜城南舊有天夢裏士師多訟獄醉中國土少
崩騫金陵見說饒新咏佳麗長懷小謝篇

林那子七十初度

孟陬吾以降七十古來稀南國遺民在東京昔夢非
夜鳥題舊樹春燕語新衣一醉滄桑裏麻姑有信歸

寄題廣陵菽園

架構平臨邗水涯隋堤迎却俯塵沙南塘路識將軍
第東閣梅如水部衙十里珠簾叢腐草二分明月冷
烟花輕軒奉母承平事會有新詩補白華

題朱玉耶畫扇

斷月拋雲去不還舊圖小扇落人間依稀記得前塵
事愁絕雙蛾傍遠山

次韵答何寤明見贈

桃李何曾怨不言沅湘憔悴自蘭蓀刦灰蕩掃文章
貴星緯消沉處士尊江左風流餘汝在襄陽耆舊幾
人存新詩携去誇春社一字須傾酒一樽

馮研祥金夢蜚不遠千里自武林唁我白門喜
而有作

踰冬免歎又經旬四海相存兩故人吳淵各天如嶺

嶠干戈滿地況風塵燈前細認平時面坐久頻驚亂
後身詹尹朝來傳好語可知容易有斯晨

疊前韵送别研祥夢蜚三首

愁霖震電苦踰旬况復懵騰送故人瀕死心懸春碓
杵望歸目斷客車塵殘生握手別無多淚末世遭逢有
幾身從此前期知不忘雞鳴如晦記茲晨

青春聚首不多旬作伴還鄉恨少人不行時俱涕
淚正憐別後各烟塵關心憔悴無過死執手叮嚀要
此身傳語故人應歎息對牀風雨亦佳辰

少別千年近隔旬勞人亭畔盡勞人誰家窟室能逃

世何處巢車可望塵問字總歸沙數刦相看已屬意
生身童初近有登真約爲我從容扣侍晨

戲爲天公惱林古度

己丑春王近寒食陽和黯黯春無力嚴霜朔風割肥
骨愁霖累月天容墨撒空飛霰響颺颺殷雷闡闡電
光激須臾冰雹交加下亂打軒窓攢矢石老人擁被
向壁臥如蠶縮璽鳥塌翼金陵城中有一老古度目

賜頭暈起太息摩娑箱架繙玩占卜于鄉鄰卜蓍笑
對飯失箸寢失席如魚吞鈎挂胸臆蛙怒鼓腹氣彭
彭蚓悲穴竅音唧唧吟成五八四十字字字酸寒句

結轎一吟啼山魈再吟泣木客三吟四吟天吳罔兩紛來下鍾山動搖石城瓦山神社鬼不敢寧居號咷憩上帝帝遣六丁下搜獲天公老眼慵識字趣呼巫陽召李白李白半醉心膽龕曼聲吟誦帝座側天公傾聽罷拍手笑啞啞女娟弄黃土搏作兩笨伯盧全下賤臣扣頭詛月餌林生韋布士雨雹恣訴斥天壤之間奡兀產二儒使我低頭掩耳受鐫責唐堯爲天子倦勤而禪息穆滿八駿歸髦期乃登格我爲天帝元會運世八萬六千歲安能老而不耄長久精神勿差忒二十八宿糾連炁字羅計四餘氣控訴西歷頻

變易四餘刊一四氣孤列宿失蹕紊營室籲呼真宰乞主張我爲一笑付閔默由來世界怕刦塵寧保穹蒼免黜陟我甘名號改女輩紛呶復奚恤女勿苦霖雨不見脩羅宮中雨下成戈戟女勿苦雪霰不見堯年牛目雪三尺電胡爲而作乃是玉女投壺失笑天眼折雷胡爲而作乃是東方小兒作使阿香掉雷車而扇霹靂雹胡爲而作乃是女媧補天之餘石碎爲礮車任騰擲春秋請高閣鴻範仍屋壁仲舒繁

露誠大愚劉向五行徒懇惻鯀生捉鼻善吟縛衣帶何用撼鈴伐鼓張皇天駟天公支頤倦欲臥金童玉

女擎觴進金液此翁霑醉韁。騎白雀遙觀金陵城
中吟詩之人夜分鼾睡殊燕適。擂鼓忽坐通明殿號
召玄冥。豐隆諸神齊受職。火速趨赴金陵城。雪霰重
飛雹再射推敲蓬門穿甕牖。惄亂吟魂攬詩魄。乃是時
午夜正昏黑。大家小戶眠不得。眠不得忽驚嚇。乃是
天公弄酒發性故。與吟詩老生作戲劇。

此詩得之於江上丈人云。是東方曼倩來訪李青
蓮。於采石大醉後放筆而作。青蓮激賞而傳之也。
或云青蓮自爲之。未知狀否。

新安汪氏收藏目錄歌

新安汪宗孝收藏金石古文法書名畫彝器古玉
甚富歿後散落人間獨手書目錄猶在其子權奇
裝潢成帙余方有滄桑之感爲作歌以識之宗孝
字景純富而任俠萬曆間嘗臥病授命於文廟遺
治水江淮間七日而寢楚人王同軌作耳譚載其
事焉

鴻朗八百應壽昌斗匡天府垂文章東壁圖書賁南
極光晶下薄天子鄣金錢積氣久盤鬱化爲羣玉紛
璆琅羽陵宛委吐靈异瑤苗雲笈差縹緲晉書唐畫
出秘閣永和淳化羅墨莊昭陵玉匣誇購取宣和金

書矜弄藏鄂侯萬籤曾未觸桓玄一厨今不亡東觀
詞人著跋尾奎章學士書右方軒轅丹鼎借光氣天
都草木增輝光人間墨繪汗牛馬敢與列宿分焜煌
清闕之閣蕭閒堂克棟挿架聞古香錯列几案峙彝
鼎鎮壓卷帙填珪璋疎牕眼明見倉籀棐几日煖流
丹黃主人好古復好事千金豪取如鍼芒彈琴羹茗
自欣賞高僧詞客同平章青娥摩娑辨款識紅袖拂
拭焚都梁淒涼不解雲烟綠寒儉笑彼書盡航一之
帝所夢不返高冠長劒從文皇平泉花木旋改易衛
公器物非古常雷劒一往誰取去楚弓人得知何方

茂先室有殘機杼長吉家看古錦囊一生嗜好存譜
錄十載鐫鏤勞肺腸遺墨宛狀網塵篋厥子繙得重
裝潢鄭重有如獲拱璧再三示我涕泗滂君不見滄
桑以來百六殃颺迴霧塞何茫茫昆明舊灰鑠銅狄
陸渾新火炎崑岡乘輿服御委糞土武庫劒履歸吳
蒼礮火蕩拋琬琰字馬牛蹴踏金玉相南城叢殘餘
煨燼北門矇瞽徒看詳神焦鬼爛偏泯滅國亡家破
同蠱傷寶玉大弓魯史在玉魚金盃唐天長漫云遺
山譜器什更與淵穎論滄桑還君此冊三太息謁帝

吾欲招巫陽

文齊先生集

卷二

六

徐元歎六十

飄然領鶴駐高閒石戶雲房處處關萬事總隨青鬢
去此身畱得翠微間隱將佛土逃三劫貧爲詩人鍊
九還若問少微星好在鈞簾君自看西山

己丑歲暮譙集連宵於是豪客遠來樂府駢集
縱飲失日追懽忘老卽事感懷慨然有作四首
風雪墳門噪晚鴉翛翛書劍到天涯何當錯比楊雄
宅恰似相逢劇孟家夜半壯心迴起舞酒闌清淚落
悲笳流年遒盡那堪餞却喜飛騰暮景斜

送客留髡促席初履交袖拂樂方舒酒旗星上天猶

醉燭炬風欹歲旋除霜隔簾衣春益益月停歌板夜
徐徐觥船莫惜頻煩勸已是參橫斗轉餘

風光如夢夜如年如此歡娛但可憐曼衍魚龍徒瞥
爾醉鄉日月故依狀漏移警鶴翻歌吹霜壓啼鳥殺
管絃曲晏未終星漢改與君堅坐看桑田
扶風豪士罄追歡楚舞吳歎趁歲闌銀箭鼓傳人倘
恍金盤歌促淚汎瀾杯斂落日參旗動炬散晨星剗
火殘明發昌門相憶處雨牀絲竹夜漫漫

蜡日大醉席上戲示三王生三生樂府渠帥吳

門白門人也

美人雜坐酒盈觴雪虐風饕避盡堂卒歲世猶存八
蜡當塲我自看三王蘭膏作樹昏如晝竹葉生花醉
亦狂大笑吳歎愁失日漫漫長夜復何妨

賜蘭堂壽讌詩四首

有序

金壇虞憲使兄來初與余同舉丙午少壯論文忽
焉七十响濡相存衰榮無間於其初度之日爲長
句以稱壽焉閱闋箕裘之盛園林讌賞之樂鋪陳
揚扢略盡一班而要歸於家恩國恤迴翔頗仰感
慨係之蓋庶幾頌禱之義具焉其不獨以比於彈
絲竹考鐘鼓而已亦或以望吾兄從容燕喜之餘
無

爲停杯而三歎也夫虞之先世大理公謙爲永宣
名臣常拜宣廟禊帖之賜賜蘭其堂名也

綠髮朱顏卻杖扶行年七十似見駒一夔端許諧虞
樂虞一子跋故有一夔之戲羣鳳紛看集帝梧天流酒旗星海動
地蟠燈樹月輪孤華陽大有登真宴得似長筵此會

兩牀羅列十眉俱秉燭追歡似逐逋旬曲園林藏地
肺茅家供換出天厨經年摒擋春燈賞排日規模夜
燕圖樂土居狀塵刦外良常日月未應誣

玉雪風流奕葉垂大理公號玉雪自丹青人物永宣時蘭亭

金匱先朝賜竹屋銀鈞往詰詒

祝京兆東山竹屋記爲大理之子來鳳作

也見祝氏集書雀堆牀傳祖笏高門列戟闕宗彝知君拜

手稱觴日輶舞停歌有所思

英妙才名京雒傳黑頭兄弟兩皤然夔龍兕虎看誰
在猿鶴沙蟲劇可憐金爵觚稜紅燭裏玉杯繁露綠
尊前停斟却笑人間事龍漢魚河復幾年

奉贈太傅崇明侯弢武杜公詩四首

光岳貞符河雒形扶桑弧矢射青冥三秦地塞畱元
老太白芒寒護將星起陸龍蛇爭渾沌握奇魚鳥叶
神靈衛公舊有釣天樂戴斗崆峒佇勒銘

辛勤百戰爲山河束馬懸鋒髦已皤吳下諸生推杜
預關西老將憶廉頗揮毫爛熳頭風檄擊企蒼茫耳
熱歌記取鷹揚非少壯莫將芒角自鐫磨
申丹刑白誓書垂俄及山河帶礪期熊耳峰前馘耳
日馬鞍山下據鞍時閒園種菜分戎壘曲宴催花樹
酒旗春草青絲調伏櫪識途終許是良眉

能以三明並四夔惇詩說禮古人爲定襄行卷經年
富魏國奚囊鎮日隨捕架綠槍依筆格銜韁霜刃挂
書帷車攻願嗣清風頌自拓岐陽石鼓碑

庚寅人日小集卽事

縷金圖勝總無情佩劒衝星黯未平割末乾坤餘七
日刀兵割末度七日方行間兵火已三生梅花北戶
留人種見汰苑珠林將春發菜甲東風與歲更强欲登高難舉目草堂吟
望淚縱橫

蓂葉依狀七葉齊文王喻復此應稽李義山人日詩文王喻復今朝是
亦知是日妨晴昊是日陰竟日未省爲人學犬雞嶺海風烟迴玉笛羅浮春色應金闕開尊遺老忻談笑明
日看梅可杖藜

人日示內二首

夢華樂事滿春城今日淒涼故國情花燈舊枝空帖

燕柳燔新火不藏簪銀幡頭上衝愁陣柏葉尊前放
酒兵憑仗閨中刀尺好剪裁春色報先庚

靈辰不共割灰沉人日人情泥故林黃口弄音嬌語
澀綠窓停梵佛香漢圖花却喜同心蒂學鳥應師共
命禽夢向南枝每西笑與君行坐數沉吟

依韵奉和二首

春風習習轉江城人日于人倍有情帖勝似能欺舞
燕枚花真欲坐流鶯銀旛因戴忻多福金剪儂收喜
罷兵新月半輪燈乍穗爲君醉酒祝長庚
佛月初輝人日沉綵旛清曉供珠林地於割外風光

近人在花前笑語淡洗罷新松看沁雪行殘舊藥寫
來禽香燈繡閣春常好不唱卿家緩緩吟

贈黃若芷大家四絕句

節比青陵孝白華齋心況復事毘耶丹鉛點染從遊
戲只似諸天偶雨花

梅檀雲氣湧香臺蓮漏初殘貝葉開丈室掃除容寶
座散花天女故應來

暈碧圖黃謝物華香燈禪板道人家中庭只有寒梅
樹邀得仙人綠萼花

鷗波亭向絳雲開沁雪虛庭絕點埃墨竹數枝香一

縷小窓畱遲仲姬來

閩中徐存永陳開仲亂後過訪各有詩見贈次

韵奉答四首

拂水分携手共招依狀陳迹已前朝空傳父老摩銅
狄無復宮人記洞簫攬鏡頭憎三寸幘看花眼詫一
重綃憑君話我餘生在萬事叢殘爲領腰

休嗟小別似千年坐膝將軍事顯狀契闊共循頭上
髮延緣猶記葦間船高人有福先歸地野老無謀但
詛天最是臨分多苦語相期把卷白雲邊存永侍其
公別時有山中讀書之約

訪余拂水屈指十二年矣興
公別時有山中讀書之約

交白鬚眉學刺船漁灣蒙密舊山川櫻桃寢薦無消
息楊柳車攻有注箋南國歌闌皆下泣山陽詩譙情
誰傳繙君家集真三歎遺卷猶存忠孝篇開重尊人
磐生遺集

中多籌時語

論文嵇呂更誰知兵燹間關問索居沁雪摩娑新拜
石殺青論勘舊藏書共嗟昔夢連銅輦自笑殘生出
箋興莫訝和詩多譖謠老來誕謾比虞初

夏日讌新樂小侯於燕譽堂林若撫徐存永陳
開仲諸同人並集二首

寶玦相逢溝水頭長衢交語路悠悠西京甲觀論新

樂南國丁年說故侯春燕歸來非大夏夜鳥啼處似
延秋曾聞天樂梨園裏忍聽吳歛不淚流

軟脚筵開樂句和濯龍吐鳳客駢羅雖無法部仙音
曲也勝巴人下里歌絲竹凝風腰鼓急釭花蕩影舞
衫多老夫苦憶平生事腸斷西遊趙李過

牧齋有學集卷三

庚寅夏五集

歲庚寅之五月訪伏波將軍於婺州以初一日渡羅刹江自睦之婺憇於杭往返將匝月漫興口占得七言長句三十餘首題之曰夏五集春秋書夏五傳疑也疑之而曰夏五不成乎其爲月也不成乎其爲月則亦不成乎其爲詩繫詩於夏五所以成乎其爲疑也易曰或之者疑之也作詩者其有憂患乎

早發七里灘

瞳瞳初旭麗江干。滄滄浮烟羃瀨灘。此地無風才七里。謂云無風七里有風七十里吾廬有日正三竿。釣壇不爲沉灰改。丁水猶餘折戟寒。欲哭西臺還未得。悽空朱囁響。

雲端

五日釣臺舟中

緯繡江山氣未開。扁舟天地獨汎洄。空哀故鬼投湘水。誰伴新魂哭釣臺。五日纏絲仍漢縷。三年灼艾有秦灰。吳昌此際癡兒女。競渡譁盡室迴。

五日泊睦州

客子那禁節物催。孤篷欲發轉徘徊。晨裝警罷誰驅

去暮角飄殘自悔來。千里江山殊故國。一杯天地在西臺。遙憐弱女香閨裏。解潑蒲觴祝我迴。

婺州懷古

駛車猶並日。車紅當道空傳一老熊。

謂故開府朱公野鳥

淒涼啼廢壘。纖兒啁哳笑行宮。

開府謀改宋公署爲行宮未就而罷人多笑之

中天赤字開明祖。

明祖開省于婺黃旗榜署有山河日月之聯

午夜朱

旗閃越公。

見宋公胡越公新廟碑

獨有鷗鷺如夙昔。雙溪省識

釣魚翁

歸舟過嚴先生祠下留別

雙臺離立釣魚壇。香火空江五月寒。林木猶傳唐慟

哭臯羽記云故人唐開府
譴宋爲唐也故從之 溪雲常護漢衣冠蒼厓辣
闊春山老白鳥離緹夏雨殘有約重來薦蘋藻謹將
心跡憩魚竿

桐廬道中

空山雲霧眇天涯信宿迴舟興已賒作客有詩頻削
草涉江無事但尋花蘭溪載花盈舟越人笑之蘭舟是處皆湘水
釣渚於今屬漢家寄謝桐君莫相笑因君轉自愛蒹

葭

畱題湖舫

舫名不
繫園

園以舟爲世所稀舟名不繫丁無依諸天宮殿隨身

是大地烟波瞽眼非淨掃波心邀月駕平鋪水面展
雲衣主人欲悟虛舟理只在紅妝與翠微
湖上堤邊艤櫂時菱花鏡裏去遲遲分將小艇迎桃
葉偏采新歌譜竹枝楊柳風流烟草在杜鵑春恨夕
陽知憑闌莫漫多回首水色山光自古悲

西湖雜感

浪迹山東繫舟湖上漏天半雨夏月如秋登登版
築地斷吳根攘攘烟塵天分越角岳于雙表綠字
猶存南北兩峰青霞如削想湖山之繁華數都會
之佳麗舊夢依狀新吾安往況復彼都人士感絕

黍禾今此下民情深桑海侮食相矜方言若性何
以謂之嘻其甚矣昔日南渡行都愁遺南市西湖
隱跡追抗西山嗟地是而人非忍憑今而弔古叢
殘長句淒絕短章酒闌燈焰隔江唱越女之歌風
急雨淋度峽下巴人之淚敬告同人勿遺下體敢
附采風聊資剪燭云爾庚寅夏五憇湖舫凡六日
得詩二十首是月晦日記於塘栖道中

版蕩淒涼忍再聞烟巒如赭水如焚白沙堤下唐時
草鄂國墳邊宋代雲樹上黃鸝今作友枝頭杜宇昔
爲君昆明刻後鐘聲在依戀湖山報夕曛

漱灑西湖水一方吳根越角兩茫茫孤山鶴去花如
雪葛嶺鶯啼月似霜油壁輕車來北里梨園小部奏
西廂而今縱會空王汰知是前塵也斷腸

楊柳桃花應刦灰殘鷗剩鴨觸舷迴鷹毛占斷聽鶯
樹馬矢平填放鶴臺北岸奔騰潮又到南枝零落鬼
空哀爭憐柳市高樓上銀燭金盤博局開

先王祠廟枕湖瀆墮淚爭看忠孝文垂乳尚傳天目
識射潮無望水犀軍千年璫響傳陰火盡日靈旗捲
暮雲雙淚何辭濕堦城羅平怪鳥正紛紜

宰樹豐碑一水湄金牌終古事參差于公被禍亦有金牌迎立事

殯宮麥飯無寒食賜墓椒漿有歲時歌舞夢華前代
恨英雄復楚後人思興亡今古如償博可惜冬青綠
滿枝

昔叩于公拜綠章擬徵楷矢靜諸方騶夷靈爽真如
在銅狄災氛寔告祥地憂龍吟翻水窟天迴電笑閃
湖光殘燈彷彿朱衣語夢斷潮聲夜殷牀萬曆己未歲余肅謁
于廟有祭廟文

佛燈官燭古珠宮二十年前兩寓公

謂程孟陽李長蘅

畫筆

空濛山過雨詩情淡蕩水微風斷橋春早波吹綠靈
隱秋深葉染紅白鶴卽看城郭是歸來華表莫匆匆

西泠雲樹六橋東月姊曾聞下碧空楊柳長條人綽
約桃花得氣句玲瓏桃花得氣美人中西泠佳句爲孟陽所吟賞筆牀研
匣芳華裏翠袖香車麗日中今日一燈方丈室散花
長侍淨名翁

堤走沙崩小刦移桃花榜面柳攢眉青山無復呼猿
洞綠水都爲飲馬池善舞獮猴徒跳盪能言鸚鵡亦
支離祇應鷺嶺峰頭石却悔飛來竺國時
方袍瀟灑角巾偏纔上紅樓又盡船脩竹便娟調鶴
地春風蘊藉養花天蝶過柳苑迎丹粉鶯坐桃堤候
管絃可是承平好時節湖山容易著神仙

臣臣湖山錦繡窠血風殺氣入偏多夢兒亭裏屯戈
甲教妓樓前掣駱駝粉蝶作灰猶似舞黃鸝避彈不
成歌嘶風渡馬中流飲顧影趨起怕綠波

豈獨湖山笑突如珠林寶網亦丘墟消沉泡幻看金
鯽六和塔池金鯽魚滄浪東坡警策浮生聽木魚藕
詩所寄也池久涸不復存孔刀兵三列熾今說禪者皆波旬說刀兵劫所種也蓮花劍漏六時疎
於今頂禮雲栖老擁衛人天五百餘宗鏡開堂余以
彌陀疏鈔一部爲施此詩

天地爲籠信可哀南屏舊隱謫仙才遺廬尚有孤花
在弔客徒聞獨鶴迴漬酒青鞞塞宿莽題詩紅袖冉

荒苔草衣道人有詩弔太初爲人所傳太平宰相曾招隱矯首雲霞
海上來記費鏘山南屏訪太初事

東海桑田事豈誣藏舟夜壑本良圖摸金山欲移三
竺蒸土陂應決兩湖西湖有裏外湖得云兩湖地媿荒涼憂竭澤
波神刺促怨投珠不知繫纜江頭石曾見秦人築塞

無

冷泉淨寺可憐生雨血風毛作隊行羅刹江邊人飼
虎女兒山下鬼啼鶯漏穿夕塔烟烽影飄瞥晨鐘鼓
角聲夜雨滴殘舟浙瀝不須噩夢也心驚

建業餘杭古帝丘六朝南渡盡風流白公妓可如安

石蘇小湖應並莫愁戎馬南來皆故國江山北望總
神州行都宮闕荒烟裏禾黍叢殘似石頭有人問建
晉殿亦是宋行
都矣感此而賦

珠衣寶髻燕湖濱翟茀貂蟬一樣新南國元戎皆使

相上廳行首作夫人紅燈玉殿催旌節盡鼓金山壓
戰塵粉黛至今驚夜帳可知豪傑不謀身見周公謹
羅大經諸書

書亦南渡
西湖盛事

冬青樹老六陵秋慟哭遺民總白頭南渡衣冠非故
國西湖烟水是清流早時朔漠翎彈怨它日居庸宇
喚休白翎杜宇事具元史及草木子諸書
苦恨嬉春鐵崖叟錦兜詩報

百年愁

鐵崖嬉春詩
用錦兜押韻

茫茫禹跡有風塵最喜杭州土俗淳閉戶儒生推玉
曆開堂禪子祝金輪青衣苦效侏離語紅粉欣看回
鶻人底事兩朝崇少保高墳棹楔尚嶙峋

罨盡西湖面目非峰巒側墮水爭飛雲莊歷亂荷花
盡月地傾頽桂子稀鶯斷麴裳思舊樹鶴髡丹頂悔
初衣今愁古恨誰消得只合騰騰放棹歸

東歸漫興六首

經旬悔別絳雲樓衣帶真成日緩憂入夢數驚嬌女
大看囊長替老妻愁碧香茗葉青磁碗紅爛楊梅白

定甌此福天公知吝與綠章陳乞莫悠悠

警枕殘燈對小舟閭將心曲語江流昔遊歷歷歸青
史老眼明明貫白頭鳩聚鵠喧憑博局龍拏虎擲倚
神謀長年似與更籌約啼絕荒雞發櫂謳

棨戟森嚴禮數寬轅門風靜鼓聲寒據鞍老將三遺
矢分闢元戎一彈丸戲海魚龍呈變怪登山烟火報
平安腐儒篋有英雄傳細雨孤舟永夜看

林木池魚灰燼寒鶯湖恨水去漫漫西華葛帔仍梁
代南史任昉子西華流離不能自振冬月着葛帔練裙東市朝衣尚漢官白鶴
遙歸無石表金雞旋放少綸竿舊棋解覆惟王粲東

閣西園一郢看

過南湖望勺園悼延陵君而作其子貧薄故有任西華之歎

水跡雲踪少滯留拖烟抹雨一歸舟雖無桃葉迎雙
槳婢屬買不得恰有蘭花載兩頭古錦裹將唐百衲
張老頌琴蓋行宮拾得宋羅暖
宋景靈宮以七夕設摩襦唐斷也羅暖今市上猶鬻之

人稚子相勞苦一握歡聲萬事休

不因落薄滯江干那得歸來盡室歡巷口家人呼解
帶牆頭鄰姥問加食候門栗里天將晚秉燭羞村夜
向闌簷鵠噪乾燈穗結笑憑兒女話團圓

感歎勺園再作

曲池高館望中賒燈火迎門笑語譁今舊人情都論

雨暮朝天意總如霞園荒金谷花無主巷改烏衣燕
少家惆悵發門老賓客停舟應不是天涯

癸歸以酒炙餉韓兄古洲口占爲侑

好事何人問子雲一甘逸少與誰分酒甜未許輸香
蜜炙美眞堪遺細君大嚼可須回白首淺斟猶憶醉

紅裙

兄高年好談風懷舊事

暗窓飯罷摩雙眼硬紙黃庭向夕

曛

兄家藏楊許黃庭楷書日撫數紙

書夏五集後示河東君

帽簷欹側澣囊新乞食吹簫笑此身南國今年仍甲
子西臺昔日亦庚寅

臯羽西臺慟哭亦庚寅歲也

聞雞伴侶知誰

是盡虎英雄恐未真詩卷叢殘芒角在綠牕剪燭與
君論

牧齋有學集卷四

絳雲餘燼集上

湖上送孟君歸甘州二首

刮面寒風掠鬚絲
湖干尊酒不堪持
豈應滄海揚塵日
重話蓬萊獻賦時

君好談予制舉文字故及之

玉筍班行空點冕
金甌將相總輿尸
霸光一老頭如雪
映帶麻衣泣路岐

才歌伐木又驪駒
執手憮騰雜涕洟
奔赴見星仍漢汰
送歸臨水亦湘纍
別筵忍唱甘州曲
故國誰看原廟碑
爲我因風謝高掌
莫隨河曲漫遷移

故司禮盧太監盧舊官司禮神宗時屬鄭貴妃名下今管織造于杭

列宿由來帝座旁星移斗轉却輝煌每餐絳雪朝金母曾捧紅雲侍玉皇西北筐篚新組織東南杼軸舊輸將知君補袞心千里并與山龍貢上方

方菴詩爲心函長老作

方菴云何方將無與圓耦方菴如方器方空體非有見方復見空方空相雜蹂譬如眼中花發青瞪視久方菴空堂宇方器空尊鹵方以大小別空有舒縮否又如隙中人窺日在戶牖築牆限虛空虛空了不受方器規作圓圓方不相守空體無方隅逐彼方圓走

方空定何方圓空向誰取方空與圓空天眼豈能剖大地浮空水浮沉判高厚人生玄黃中方圓互擊培顛倒生分別鼠穴銜窻數佛言頻伽瓶塞空擎以手持空餉遠國携取還相扣貯空豈非愚顛倒徒抖擲瓶空一切空君其問瓶口我作方菴詩用告方菴叟無將大虛空迷方貯瓶金

讀梅村宮詹豔詩有感書後四首

有序

余觀楊孟載論李義山無題詩以爲音調清婉雖極穠麗皆託於臣不忘君之意因以笑語風人之旨若韓致堯遭唐末造流離閩越縱浪香奩亦起

興比物中寫托寄非猶夫小夫浪子沈湎流連之
云也頃讀梅村宮詹艷體詩見其聲律妍秀風懷
惻愴於歌禾賦麥之時爲題柳看花之句傍徨吟
賞竊有義山致堯之遺感焉雨窓無侶援筆屬和
秋蛩寒蟬吟噪啁哳豈堪與間關上下之音希風
說響乎河上之歌聽者將同病相憐抑或以爲同
牀各夢而輾爾一笑也時歲在庚寅亥冥之小春

十五日

上林珠樹集啼鳥阿閣斜陽下碧梧博局不成輸白
帝聘錢無藉貰黃姑投壺玉女和天笑竊藥姮娥爲

月孤淒斷禁垣芳草地滴殘清淚殺孽薰
靈瓊森沉宮扇迴屬車轆轤殷輕雷山長水濶歎魚
素地老天荒信鴉媒袖上唾成看紺碧夢中泣忍作
瓊瑰可憐銀燭風添淚畱取高僧認刲灰

搗鼓吹簫罷後庭書幃別殿冷流螢官衣蝶晨風
舉畫帳梅花夜月停蠻衣梅帳皆天寶近事銜璧金缸憐旖旎
翻階紅藥笑娉婷水天閒話天家事傳與人間總淚

零

銀漢依狀戒玉清行宮香爐露盤傾石碑銜口誰能
語碁局中心自不平禊日更衣成故事秋風紈扇是

物齋不昌集
前生寒窓擁髻悲啼夜暮雨殘燈識此情

京口渡江有寄

春陰和雨黯孤舟歷歷津亭抵夢遊芳艸未知爲客
意暮雲偏領渡江愁驚沙望裏蕪城賦盡角飄來萬
歲樓寄語半山堂上客壺觴還似舊風流

廣陵登福緣佛閣四首

危樓切太空塵塈俯冥濛度世香燈裏降魔應器中
上方三界在八表一雲同鈴鐸人天語如聞替戾風
黠黠經時雨荒荒有漏天豈能霾日月還與滌山川
一炬幽火千門柝木烟催歸松漠鳥啼到相輪邊

獨自層樓上偏於象緯親輪中迴日月規外撫星辰
北戶風霜急南柯國土真高高天眼在憑攬折微塵
冥晦乾坤戶迷方何去從禪枝迎怖鵠鉢水候眠龍
鐵浴兵前雨銅崩刦後鐘霧山殊未散清夜禮金容
辛卯春盡歌者王郎北遊告別戲題十四絕句
以當折柳贈別之外雜有寄託諧談無端譏謔
間出覽者可以一笑也

桃李芳年冰雪身青鞋席帽走風塵鐵衣毳帳三千
官柳新栽輦路傍黃衫走馬映鵝黃垂金曳縷千千
里刀軟弓欹爲玉人

樹也學梧桐待鳳凰

時聞燕京郊外夾路栽柳

紅旗曳製倚青霄
鄴水繁花未寂寥
如意館中春萬樹
一時齊讓鄭櫻桃

簞篋休吹蘆管暗金尊
檀板夜沉沉莫言此地無鶲鵲
乳燕雛鶯到上林

多情莫學野兎央玉勒
金允傍苑牆十五胡姬燕趙女
何人不願嫁王昌

壓酒吳姬墜馬粧
玉缸重碧臘醅香
山梨易栗皆凡果
上苑頻婆勸客嘗

閣道雕梁雙燕棲
小紅花發御溝西
太常莫倚清齋

禁一曲看他醉似泥

王郎云此行將倚龔大常

可是湖湘流落身
一聲红豆也沾巾
休將天寶淒涼曲
唱與長安筵上人

邯鄲曲罷酒人悲
燕市悲歌變柳枝
醉覓荆齊舊徒侶
侯家一嫗老吹簫

憑將紅淚裹相思
多恐冬哥沒見期
相見只煩傳一語

江南五度落花時
此下共五首寄侯家故妓冬哥

江南才子杜秋詩
垂老心情故國思
金縷歌殘休悵恨
銅人淚下已多時

灰洞溟濛朔吹哀
離魂嘿嘿繞蘇臺
紅香翠緩山塘

路燕子楊花並馬回

范石湖云深南
蕉北謂之灰洞

春風作態棟花飛清飄盈觴照別衣欲我覆巾施梵

呪要他才去便思歸

左右風懷老旋輕捉花留絮漫多情白頭歌叟金禪

老彌佛燈前詛汝行

錫山雲間徐老

題金陵丁老畫像四絕句

輦轂繁華雙鬢中太平一曲舊春風東城父老西園

女共識開元鶴髮翁

髮短心長笑鏡絲摩娑蟠腹帽簷垂不知人世衣冠

異只道科頭岸接離

倚杖鍾山看落暉人民城郭總依稀閒揩老眼臨青
鏡可是重來丁令威

獨坐青溪炤鬚絲小姑何處理蛾眉畫師要著樊通
德難寫銀燈擁髻時

石濤上人自廬山致蕭伯玉書於其歸也漫書
送之

兵火勾連間訊疎浮囊傳致比雙魚分明已歷塵沙
刦還道人間隔歲書

兵塵不上七條衣刀劒輪邊錫杖飛五老樓賢應有
喜昆明刦外一僧歸

白社遺民剩阿誰顛仙何處坐圍棋天池御碣渾無恙多謝天龍好護持

五乳峰前舊影堂依稀蓮漏六時香若爲化作軍持去午夜隨師入道場

憨山大師舊住五乳余之本師也

禪榻茶烟一病身春風時爲掃凝塵頻伽瓶裏無餘物只合擎空餉遠人

多生無着與天親七日同爲刮外身飽喫殘年須努力種民天種不多人

國土依狀兵燹叢清齋冥對落花風陶輪世界頻來往只在維摩手掌中

縹囊絹帙刦灰中火發瞿曇報宅空拋却此間文字海願隨龍勝到龍宮

伯玉囑上人問訊刻藏因緣故云

紀歷何須問義熙桃源春盡落英知北窓大有義皇地閒和陶翁甲子詩

歌舞西園闋好春春浮絲竹也生塵諸天宮殿皆灰

燼帝釋何當喚樂神

春浮伯玉家園也

松圓長老罷論詩寂寞春暉舊履綦記取摩娑銅狄處離陽城北未多時

伯玉往寓春暉請孟陽論詩累月

滄海於今果橫流誰憑快閣覽神州三間老屋東西住儘着元龍在上頭

還須憑快閣極目覽神州此癸未歲別伯玉詩句三間老屋悠

悠視陰吾輩今日堪著
元龍百尺樓也嗟嗟

回首東亭首重持望衡對宇定前期呼鷹臺畔頻寒食可憶龐家上冢時

東海揚塵未暫停餘杭新酒指銀瓶蕭郎若肯携家住又是方平過蔡經

石濤開士自廬山致伯玉書于其歸作十四絕句送之兼簡伯玉非詩非偈不倫不次聊以代滿紙之書一夕之話若云長歌當哭所謂又是重公案也辛卯三月蒙叟弟謙益謹上

贈新建喻嘉言

公車不就幅巾徵有道通儒梵行僧習觀湛如盈室水煉身枯比一枝藤嘗來草別君臣藥拈出花傳佛

祖燈莫謂石城還遯迹千秋高獲是良朋

高獲遠遁江南辛于

江南見後漢書方技傳

送汪雲卿歸楚口占二首

與君頻作別此別最酸辛率土無寧宇餘年少故人老還期見面窮豈忘交親萬事愁眉外長歌莫損神白古荆湘地英雄互攬擎車徒推二廣子弟說長沙羊陸名何有孫劉跡未賒看君臚脚在垂老不須嗟

哭稼軒一百十韵

師弟恩三紀君臣誼百年哀音騰粵地老淚洒吳天殺氣南條急流氛北戶纏行宮踰越嶠留守限靈川

物不與其
已下敘失守
殉難之事 倉卒聞風潰遠巡厝火然操戈乘內間

奮擊祇張拳刀鋸徒爲爾冠裳正儼狀歸元鬚上磔
嚼齒爪中穿荀偃含猶視張巡起欲旋揚揚神不亂
琅琅語爭傳徒抱銜鬚痛誰能咷血憐已下敘聞計
傷心寢門外爲位佛燈前一慟營魂遠三號涕泗漣

脩門歸漠漠故國望姍姍虞殯歌休矣巫陽筮與焉
吳羹悽象設楚些愴蟬聯魂復新遺矢神棲舊坐氊
靈衣風肅肅幽笑雨濺濺清夜前除酒明燈近局筵
逢迎傷剪紙送別忍燒船黃鳥身其百青龍歲半千

四遊餘渺莽八翼罷騰騫飛鐵兵輪重爲銅物冶全

庚寅徵覽揆辛卯應災蹕

君生于庚寅甲子一周而聞計辛卯夏也故引朔日終故引庚寅以降之詩其

辛卯之詩皆假借使之也劍去梧宮冷刀投桂水前

訓孤宵叫笑嬰繡畫連蟠鬪澗龍傷血崩崖蜃吐涎
是夏虞山有出蜃之異已下敘其戊辰後歸田燕遊之事拊心看迸裂彈指省轟

闖攀附龍門迥追陪鶴蓋連園林歸綠水屋宇帶紅

泉一飯常畱客千金不問田以忙消塊壘及暇領芳

妍日落邀賓從舟移沸管絃丹青搜白石杖履撰松

圓君好藏白石翁畫于程又有師資之敬已下敘其少壯受經之事齒馬成吾老童

烏憶汝賢兎園溫句讀蛾子學丹鉛枕膝應傳喜登

樓獨許玄已下敘其登朝貶謫青春憑驥囊白首託

夔茲桃李西江宰梧桐左披員裂麻心膽赤恤緯鬚

毛宣北寺偕書獄西曹互橐餧朱游和藥切黃霸授

經專已下敘甲申喪亂之事

銅馬神州沸金雞密網羈甘陵錄

牒寢元祐黨碑鐫北闕驚傳火東郊狎控弦帝車俄

運轉天步久迤邐

余與君以甲申三月初十日同日賜環

鰲足傾三極

龍湖斷八埏關山留北顧宗祏寄南遷

已下敘乙酉歲開府廣西

遇亂擁立之事江左朝廷小交南節鉞偏風雲天路幅翼戴

本支綿宗澤回鑾表劉琨勸進箋嶺邊求日月規外

別坤乾翼軫開營壁湘灘抵澗灘隻身支浩刦赤手

捧虞淵挿羽鉤庸蜀分茅餌益滇黃儂羅種落邕桂
簇戈鋌青犧鳥仍合紅巾蠻並緣反王收魏豹別將
置梅鋗白象扶丹轂烏蠻曳綵旛廬兒宿衛直廝養
徹侯駢書詔行營裏除官御覽先兩宮湯藥使中禁
洗兒錢

已下重敘庚寅冬失守殉難之事

一旅基將肇三分業未竣

連雞昏蚌蛤哩虎玩蠅蠅畫地翔河鳥嬰城墜紙鳶
執冰嘻狒狒投繩引蠕蠕履善窮江表庭芝殉海喫
誓言申決絕望拜告精虔目裂光如炬臂藏血化殷

花門旁面哭藤峽枕尸還青草迎飛旐黃茅擁過輪

桂嶺亦新愁

虛祠包箬飯峒祭卜筵筭故壠虞山似

桂嶺亦新愁

運轉天步久迤邐

余與君以甲申三月
初十日同日賜環

鰲足傾三極

龍湖斷八埏關山留北顧宗祐寄南遷

已下敘乙酉歲開府廣西

遇亂擁立之事

江左朝廷小交南節鉞偏風雲天路幅翼戴

本支綿宗澤回鑾表劉琨勸進箋嶺邊求日月規外
別坤乾翼軫開營壁湘灘抵澗灤隻身支浩刦赤手

揷虞淵揷羽鉤庸蜀分茅餌益滇黃儂羅種落邕桂
簇戈鋌青犧鳥仍合紅巾𧔃並緣反王收魏豹別將
置梅鋗白象扶丹轂烏蠻曳綵旛廬兒宿衛直廝養
徹侯駢書詔行營裏除官御覽先兩宮湯藥使中禁
洗兒錢已下重敘庚寅冬失守殉難之事一旅基將肇三分業未竣
連雞昏蚌蛤哩虎玩蠅蜒畫地翔河鳥嬰城墜紙鳶
執冰嘻狒狒投繩引蠕蠕履善窮江表庭芝殉海喫
誓言申決絕望拜告精虔目裂光如炬骨藏血化殷
花門勞面哭藤峽枕尸還青草迎飛旐黃茅擁過輶
虛祠包箬飯峒祭卜筵尊故壠虞山似有虞山新愁

桂嶺牽

用張平子四愁桂林之語

丹心石路折皓魄火雲鮮盡說

南朝李何慙東海田鑄金身故在刺木首非捐烈烈
羞祈死淹淹笑祝延

已下重言雜敘做天問大招之意

葭灰陽解駁

火井燄浮烟錯莫嘶泥馬分明叫杜鵑朔方唐故事
綸邑夏前編率土誠延佇敷天忍棄捐雲旗翻畢口

星矢直狼肩壁壘分行陣雷風合弭鞭白山厓倒側
黑水浪平填鶉尾南迴越旄頭北指燕誓師三后所

飲御五車邊改葬新班劒輿尸故馬驥羽林分綏綏
麟閣列貂蟬畫壁雕戈動祠堂兜甲縣傳芭歌沓沓

薦荔鼓鼙鼙宿列還箕尾

其先人學憲公名字皆取象傳說星也

星祠

配女媧

其夫人先祖于桂

五陵齊剪棘雙廟並加籩

督師侍郎張公

同敵抗罵不屈同日被害故太師江陵文忠公之孫以門蔭起家已下結敘哀免悼之詞後死身

餘幾先生腹尚便不成升屋哭彌想對牀眠單子畱

形影淒涼度陌阡雞窻言髫鬚蛛匣字蜿蜒西第花

猶發東臯草欲芊經過光景眩識路夢魂顛太息看

梁棟沉吟仰屋椽移山誰負畚蹈海可乘船守器紓

奔問餘皇肆泝沿祝余雙淚涸將伯寸心痛長夜歌

溫序哀詞屬馬汧降神天意遠養士國恩綿汗竹新

書史澆花近掃阡明明老眼在拭目向空玄

東陸兆登二兄問疾

清齋服散比如何詩律書籤可折磨庭葉喻身知幻
少窓禽說浹苦空多落花風入茶烟細擣藥聲依棋
響和自笑衰翁但求食中時頻欲詣維摩

孟陽冢孫念修自松圓過訪口占送別二首

松圓孫子見扶牀執手驚看似我長有幾故人今宰
木無多世界又滄桑何年漬酒澆丘壠舊日題詩漫
草堂已悟前塵知影事臨風收却淚千行

禪榻書牕面石城香燈茶椀記逢迎朝陽有客尋閒
詠落日何人看耦耕碧血夜臺應面慰絳雲灰刦定

魂驚千愁萬恨從鈎鎖帳觸今朝爲汝行

奉常王烟客先生見示西田園記寄題十二絕

句

天寶繁華噩夢長西田茅屋是西莊最憐清夜禪燈
畔村犬聲如華子岡

竹暗花明斷割灰夕陽多處艸堂開湘簾蕩日春風
卷依舊烏衣燕子來

池亭花木轉清鮮玉石從教崑火燃可是寂光長住
事只有爲農氣味長

物齋存學集

卷四

土不同變壞惱諸天

江岸榮迴籬落斜相門何異故侯家郊原初得嘉賓
會自擷東陵子母爪

縹囊玉軸亞朱闌若酒吳羹竟日歡好事客來頻看
畫不將寒具列盤餐

列檻虞山近可呼野烟村火見平蕪閒窗潑墨支頤
坐自寫秋懷落葉圖

閟閣香燈小築幽金函神祖御書酉吉祥雲海茅茨
裏長涌神光鎮斗牛

滄海波如古井瀾圮橋流水去漫漫世人苦解人間

世家紛紛說相韓

尚璽東華夢斷時軟紅塵土正迷離藥欄大有翻階

藥畱與春風印紫泥

綠水紅蓮卽鳳池朝陽刷羽競長籬梧桐百尺饒雞
樹要宿從他揀一枝

標峰置嶺看參差幻甚丹青盡裏詩還向右丞參半
偈水窮雲起坐行時

京口觀棋六絕句

爲梁谿奕師過百齡作

國手今觀袖手時三山秋老鬚成絲明燈相照渾如
夢空局悠然未有期

八歲童牙上弈壇白頭旗纛許誰千年來覆盡楸枰

譜局後方知審局難

烏榜青油載弈師東山太傅許追隨風流宰相清平

世誰識沿邊一着棋

記福清葉文忠公事

渭津方郢擅長安紗帽褒衣揖漢官今日向君談古

事也如司隸舊衣冠

狠石千年局已陳孫劉只合賭侵分不過幾着粗能了賺殺人間看弈人

金山戰罷鼓桴停傳酒爭誇金鳳瓶此日江山紓白髮一枰殘局兩函經

寄懷嶺外四君詩

金道隱使君

金投曹溪爲僧

朔雪橫吹銅柱殘五溪雲物淚汎瀾法筵膳食仍周粟壞色條衣亦漢官畢落禪枝除鵠怖多羅佛鉢護龍蟠菰蘆一老香燈畔遙祝金輪共夜闌

劉客生詹端

桑蓋重重捧日年橫經演浩已流傳叔皮河隴虛推命越石幽并枉抗箋蜀國有烟噓火井秦庭無淚洒冰天鍾山舊日追遊地金粟堆前叫杜鵑

姚以式侍御

論交直並紀羣看隔歲音書蠟紙殘捧日君能依北
戶臨風我自滯南冠三湘天轉紅雲近八桂風迴白
簡寒衰晚尚期持斗酒屬車塵下候回鑾

詠東臯新竹寄畱守孫翰簡

笋根苞粉尚離離裂石穿雲嶺外知祖榦雪霜催老
節孫篁烟靄護新枝紫泥汙簡連編綴青社分符奕
葉垂昨夜春雷喧北戶老夫欣賦籜生詩

嘉禾訪梅溪大山禪人四絕句

虎落橫斜瓜荳繁望窮竹徑始知門若非亭午齊鐘
出錯認陶家栗里村

一坐依牀小刦成蓮花漏裏六時更石林盡日看花
雨才到人間是甲兵

殘生何意款禪扉白犬青猿昔夢違鄒魯冠裳凋落
盡此中還有七條衣

青青竹色覆窗櫺相對閒看紙穴蠅莫怪機鋒都未
接老夫原是啞羊僧

吳巨手兀齋詩

嘉禾城頭陣雲黑宣公橋上飛霹靂南湖春水漲綠
波骨拒骭枝血流赤人民城郭總萋迷華觀瓊臺長
蒺藜幾家高戶無蛛網是歲空梁少燕泥吳生兀齋

只尋丈卍字闌干獨無恙取次縹囊結古香依狀墨
沼翻雲浪人言兵燹旁午時簾閣欄楯光陸離卽看
雲物常虧蔽或有天龍好護持我聞如來妙心海吉
祥卍字雲燄燄放光常使地獄空閑世何憂市朝改
君觀胸中卍字無摩醯三眼認天樞天上應無逃刦
地人間那得辟兵符

朱五兄藏名酒肆自號陶狀余爲更之曰逃禪

戲作四小詩

茫茫持耳翁落落攢眉友欲逃東鄰禪聊止南村酒
布袋爲世界米汁是好友會逃彌勒禪肯醉聲聞酒

投壺笑玉女採花嗔惡友且逃天宮禪莫釀修羅酒
金粟是爾身青蓮亦好友長逃酒肆禪誰沽夜臺酒

胥山草堂詩爲徐次桓作

我歎嘉禾徐亦于書生口欲吞玄菟蠅頭自寫治安
策牛背偏懸長白圖一朝旅病無端死自笑身亡合
汙喜陰符蛛篋殉泉臺秋卷牛腰付兒子有子長貧
手一編腰鎌負米婁江邊每循伍員耕時野自種要
離墓畔田胥山草堂困沮洳墨瀋書籤氣軒翥批風
飯無忘劖渭思莫將鼓角風雲氣銷與香奩金粉詩

物齋存學集

卷四

七

贈盧子繇

雲物關河報歲更寒梅逼坐見平生眉間白髮垂垂
下巾上青天故故明老去閒行聊種菜朋來參語似
班荆楞嚴第十應三遍已後東方雞後鳴

雲將老友納妾

詩人常爲燕鶯忙煖老初知燕玉良松柏同心憐永
夜桃花結子愛春陽含嚙只益蛾眉好搔背何妨鳥
爪長劇喜籤翁年八百尚食雲母媚紅粧

壯遊贈顧南金

餘生殘劫共懷惶彈鋏欣狀笑束裝鐵鎖沉沙論虎

鬪樓船削柿認龍驤前期客有班荆好首路人誰贈
策長三國江山猶赤壁扣舷爲我問周郎

東臯老僧

春深花柳隱東臯獨抱軍持護寂寥一室香燈塵刹
在六時梵唄刦輪銷枝頭怖鵠依林木鉢裏眠龍應
海潮天眼定中常不昧金輪時見鬼神朝

七十答人見壽

辛卯

七十餘生底自嗟有何鱗爪向人誇驚聞窸窣牀頭
蟻羞見彭亨道上蛙著眼空花多似絮撐腸大字少
於瓜三生悔不投胎處單飯僧坊賣餅家

牧齋有學集卷四終

牧齋有學集卷五

絳雲餘燼集下

和墨香秋興卷二首

成化中嘉興姚侍御公綬爲許進士廷冕題墨菊
卷周桐村鼎沈石田周張給事寧皆有詩屬和呂
太常憲二律尤佳太常諸孫天遺從市人購得寄
字索題敬次諸公韵二首以識仰止追盛世懷君
子采苓風雨良有感話云爾

白石銅村舊作家叢殘香墨似飛花流連文酒風心
在想像承平刦夢賒南國詞人矜麗藻東城父老說

繁華百年天地留詩卷極目雲烟過晚鴉

綿几奚囊賞鑒家橫牕卷軸對黃花卽看殘夢爭言
好自說千金未許賒先友成弘同石表秋容籬落異

年華奉常佳句君能詠一看南山色似鶴

是奉常詩落句

天遺家籬菊盛開邀諸名士作黃花社奉常公

墨菊卷適歸几上諸子倚原韻賦詩題曰東籬

秋興而屬余和之

占斷秋光是汝家清尊雅奏爲籬花佳賓自至何煩
約笑口常開不用賒酒盞潤如分露液墨池燥卽起
雲華吟成却指疎桐樹不宿黃昏接翅鴉

版屋衡門故相家義熙時節種陶花東籬視昔依狀
好白髮於今沒處賒小築楯欄香國土平分月令晚
芳華劇憐半樹梧桐影池上離襟噪晚鴉

呂爲故相文懿公後

故有池上鳳毛之歎

題僧卷

雪被冰牀雲水隈夜關生斷不曾開驀狀豆子爐中
爆笑撥星星一點灰

壽丁繼之七十四首

左右風懷七十年花枝酒海鏡臺前每憑青鳥傳書
信不欠黃姑下聘錢無事皺眉常自慰有人擁髻正

相憐笑他丁令千年後化鶴歸來勸學仙
龍漢分明割外年燈樓酒舫赤闌前琴尊自可爲三
友花月何曾費一錢畱客恰宜邀笛步當歌最愛相
夫憐案頭老蠹休相笑食字春蠶豈是仙

曲踊橫奔倚少年金丸玉劒萬人前淳于正合傾三
斗鄭尉何曾值一錢望眼刀頭青鏡在吞聲江曲白
頭憐知君不羨還丹訣俠骨飛騰卽劒仙

白下藏名七十年博場酒肆笛牀前傳來建業三臺
曲畱得開元半字錢蔭藉金張那可問經過趙李總
堪憐繫腰莫笑吾衰甚雲母餐來共作仙

甲午春日觀吳園次懷人詩卷愴狀有感次韵
二首

誰憑龍漢問編年轉眼分明浩劫前無藉每思邀帝
博長貧只合貰天錢石言晉國寧非濫鶴語堯時劇
可憐渡海踰河都未了不如拔宅去登仙

銅人流淚自何年歷歷開元在眼前海上浪傳千歲
藥民間猶使五銖錢繅絲有繭春蠶老曲樹無條尺
蠖憐豚望只應乾死盡莫將食字學神仙

次韻贈趙友沂四首

楚史三墳博平威再世廉文心呈浩蕩詩律闡精嚴

道以纓爲紀交將素比縑看君躍馬意寂寞笑郎潛
長懷天育馬肯坐騎 轄籌策糾三嘆論詩只數篇
連城歸白璧清廟叶朱絃信宿猶爲客休嗟入誰年
擇木偏宜讓名泉亦取廉斷金資臭味沉水證香嚴
世變謀衷甲天寒惜被縑滄江嗟歲晚一任老夫潛
峻堞飛鳶紙崇山積馬轔乾坤三外刲詞賦七哀篇
才老精金冶心危促柱絃壯遊人所羨冠劍是丁年

次韵贈別友沂

餘生老無徒彳亍因行旅髡鉗疑雍削壞服覓儔侶
昔遊謝王貢末契結嵇呂夙心薄因依溫涼越書敘

未遑撫塵跡先期扞牧圉元龍豪湖海子先暗河渚
卽事不相爲遙集互矜許小刲混器界大圜易端緒
志士惜雲雷古義敦贈處一翁輕少陽男子重文舉
中和叶神聽孤子倚天與吾子視後鞭老夫識退茹
愧無繞朝策投筆返村墅

爲友沂題楊龍友畫冊

揚生倜儻權奇者萬里驍騰渥洼馬雙耳朝批貴筑
雲四蹄夕刷金支野空坑師潰縉雲山流星飛兔不
可還卽看汗血歸天上肯餘翰墨汙人間人間翰墨
已星散十幅流傳六丁歎披圖礪岫幾重掩過眼烟

嵐尚凌亂楊生作畫師巨狀隱囊紗帽如列仙大兒
聰明添樹石侍女窈窕皴雲烟憶昔龍蛇起平陸奮
身拚施鳥鳶肉已無丹鱣併黃土況乃牙籤與玉軸
趙郎藏弃絹帙新摩娑看畫如寫真每于剩粉殘縑
裏想見剗肝化碧人趙郎趙郎快收取長將石壓
撫莫令匣近親身劒夜半相將作風雨

武陵觀棋六絕句

簾閣蕭閒看弈時初桐清露又前期且看試手思新
着莫向殘燈悔舊棋

滿盤局面若爲真賭賽乾坤一番新有客旁觀須著

眼先知審局定何人

黑白分明下子時局中兩兔已雄雌世間國手知誰
是鎮日看棋莫下棋

一着先人更不疑侵邊飛角欲何之鴻溝赤壁多前
局從古原無自在棋

小謝賓明珠履多後堂棋局應笙歌可知今日鵝籠
裏定有樵人爛斧柯

太白芒寒秋氣澄楸枰剝啄閃殘燈袖中老手還擎
撒只合秋原去臂鷹

寄湖州官使君兼簡聖野

白蘋州水淨琉璃正是亭臯葉下時午夜使君能對客癸亭才子共題詩清茗風物宜茶事下若戈鋌似酒旗擬傍玄真青箬笠鷗波先與託微詞

伏波弄璋歌六首

天上張星照海東扶桑新湧日車紅尋常弧矢那堪掛自有天山百石弓

釀酒椎牛壁壘開三軍大嚼殷如雷百年父老爭歡笑曾喫誰家湯餅來汗血名駒蹴踏行白眉他日笑書生虎龍變化誰能料玉雪家兒似北平

開天金榜豁鴻濛越國旌旗在眼中百萬黎民齊合掌玉皇香案與金童

龍旗交曳矢頻懸綉褓金盆笑脣駢百福千祥銘漢字浴兒仍用五銖錢

亢闇佳氣溢長筵孔釋分明抱送年授記不須尋寶

誌老夫摩頂是彭箋百齡詩譜過林翁共班排

壽馮雲將八十

湖山安隱鹿麋羣映雪堂前夜壑分耆舊仍推鄉祭酒其尊人故祭酒公也風流猶說小馮君笙歌北里尊前月松柏西陵夢裏雲灰刦相存贏得在白頭祇合醉紅裙

八十長筵燕笑時烏紗巾下剩鬚眉平生心跡爲雲
將老去風懷倚雪兒紅藥鬪雞金距在青樓拊馬玉
鉤知投竿大有飛熊想莫訝斯干吉夢遲

題孟陽畫扇

相逢馬上人眉間帶晉楚勒馬指前林欲共班荆語
文同送吳興公遊下邳兼簡李條侯

落花飛雨攬邗溝襍被奚囊感薄遊寶劒千金吳季
子長城半壁漢條侯高榆耕壘連滄海淡柳書堂枕
碧流共語老夫應失笑春深冒絮尚蒙頭

寄贈下邳李條侯二首

王卿中百韻交游合

青箱白袷道衣閒滿月雕弓手自彎蠟屐遠尋妻敬
洞開窓近對子房山白連滄海雲千疊碧漫圯橋水
一灣書劒溪堂鞍馬客夜深燈火射潮還

下邳橋水浸黃沙授履傳書跡未賒按部風聲餘草
木雜耕心血長桑麻畢箕夜雨悲烏屋閨闥春風恥
燕家衰老不堪牀下臥爲君西笑向天涯

李太公壽

甲子題詩歲月長遺民杖屢道人裝雞豚近約東西
社湖海平分上下牀酌酒開顏看梓漆停杯蒿木歎
滄桑赤松黃石皆仙侶進履橋邊問子房

爲戒香小師題扇

蕭寺僧雛髮初剪風味惺忪意婉變未曾燈火課法
華乍向書窓讀文選文選中多月露詞何當燒亂小
沙彌休耽宋玉江南賦且記頭陀古寺碑

吳期生金吾生日詩二首

繞膝才稱八十觴長筵羅列又成行先朝第宅尚書
塲小弟班聯御史牀甲子趨庭隨絳縣庚申侍寢直
丹房樵陽屢趣登真會定在蘭亭禹廟旁

錦衣闕下靖行時秘策家傳玉帳奇馬沃市場餘首
蓄婢膏北婦剩燕支劎花芒吐耶溪曉箭竹風生射

的知春酒酌來成一笑黃龍曾約醉深卮

陳子永母曹氏壽詩

玉雪蘭風轉畫屏綵衣迴薄柘枝停斗南共指賢人
聚芒翼都依婺女星

玉山金母樹槐新花月亭前遠戰塵身坐寂光安隱
土十年劫火不知聞

長筵繞膝話熙熙晚院花磚光景遙最是日華仙掌
露萬年枝上不曾消

鶯湖水淨月波清映望江天河鼓明拜罷壽筵朝太
乙五雲多處祝昇平

龔孝升四十初度附詩燕喜凡二十二韵

一氣乘箕裏三辰戴斗邊上卿占月省執法麗星躔
獨坐中台肅雙藤闔戶懸黑頭三事少白筆四聰占
報曉雞人罷成陰鶴蓋聯游河五緯並降昂一神偏
天老論塵數霎椿記小千上尊同馬漚御席列駝筵
地餅光常照天厨器自狀小紅花破臘重碧酒如泉
洞府徵嘉會靈簫倚宿緣眉傳京兆嫵曲奏相夫憐
鳥命頻伽共花心雜苑駢珠林香馥郁玉樹自嬪娟
閣道紅牆近天街碧落連霜生焚草筆春發夢刀篇
鳳爲棲鸞好蟾於顧兔圓耳璫噴放日壺矢笑連天

婉戀將雛母參差上樹仙卽看金作礪還似玉爲田
燕駕紆迢遞嚶鳴附祝筵終期饗斟雉甲子度堯年

郭河陽溪山行旅圖爲芹城館丈題

曾厓鐵樹闇江關破墨沉沙尺幅間記得承平有嘉
話玉堂深處看春山

題柳枝春鳥圖

婀娜黃金縷春風上苑西靈禽能笑侶先揀一枝樓

甲午十月二十夜宿假我堂夢謁吳相伍君延

坐前席享以魚羹感而有述

天荒地老夢鴟彝故國精靈信在茲青史不刊亡郢

志白頭猶記退耕時簫吹江上商飈發潮漏胥門朔氣移鄭重吳宮魚膾饗寒燈一穗閃朱旗

聖野携妓夜飲綠水園戲題四絕句

銀燭明眉鬪夜光喧喧笑語坐生香春風十月花叢裏閒殺烏啼半夜霜

糺酒頻將羅袖揮觥船蕩澤指橫飛主人大有畱髡意若箇瞪瞢不醉歸

百罰觥籌敢數遲只憑眉語判淡卮吳宮我欲重教戰要領吳娃作隊師

喚作梨雲夢不真折花傾酒對窮塵道人自向諸天

笑還有橫陳執手人

冬夜假我堂文宴詩

有序

嗟夫地老天荒吾其衰矣山崩鐘應國有人焉於是綠水名園明燈宵集金闈諸彥秉燭夜譚相與惻愴窮塵留連永夕珠囊金鏡攬衰謝于斯文紅藥朱櫻感昇平之故事杜陵箋註刊削豕魚晉室陽秋鐫除島索三爵既醉四座勿誼良夜漸闌佳詠繼作悲涼甲帳似拜通天霑灑銅盤如臨渭水平美哉吳詠諸君旣斐狀成章和以楚聲賤子亦

慨狀而賦無以老髦而舍我他人有心悉索敝賦
以致師則吾豈敢客爲吳江朱鶴齡長孺崑山歸
莊玄恭嘉定侯汎研德長洲金俊明孝章葉襄聖
野徐晟禎起陳島鶴客堂之主人張奕綏子拈韵
徵詩者袁駿重其余則虞山錢謙益也

甲午陽月二十八日

分得魚字

奇服高冠競起余論文說劌漏將除雄風正喜鷹搏
兔雌霓應憐獺祭魚故壘三分荒澤國前潮半夜打
姑胥古時北郭多才子結隱相將帶月鋤
歲晚顚毛共惜余明燈促席坐前除風烟極目無金

虎霜露關心有玉魚艸殺綠蕪悲故國花殘紅燭感
靈胥退耕自昔能求士慙愧荒郊自荷鋤

和金孝章

用來韵

故國過從意倍親天涯北郭昔時人文章溝壑存洪
筆戎馬江山剩角巾四壁霜風如浩劫一窓燈火話
窮塵寒梅破墨欣相贈笛裏南枝蚤放春

孝章詩後畫墨梅一枝意有託也

和朱長孺

天寶論詩志豈誣蠱魚箋註笑侏儒西郊尚記麻鞋
往南國猶聞石馬趨事去金陵悲鑄鐵恩深玉匣感

鱗珠寒風颯拉霜林暮愁絕延秋頭白鳥

長孺方箾註杜詩

和歸京恭

樗櫟餘生倚不材老顛風景只堪哀已拚身是溝中
斷未省心同劫後灰何處青蛾俱乞食幾多紅袖解
憐才後堂絲竹知無分絳帳還應爲爾開

是日女郎

京恭道學辭之來詩以腐儒自解故有斯答

和葉聖野

躍馬聞雞心事違相期日晚定因依五湖蝦菜春來
好三月鶯花亂後稀語沸綠尊波作浪談淡紅燭淚
沾衣包山卽是仙源路莫漫緣溪悵快歸

時有卜居約包山之約

和徐禎起

老學依狀炳燭時杜詩韓筆古人師崑岡玉石吾何
有東海滄桑某在斯草野不忘油素約蕉園終見汙
青期請看典午陽秋例載記分明琬琰垂

時諸君共商史事故及之

簡侯研德并示記原

用歌字

當饗休聽暇豫歌破巢完卵爲銅駝國殤何意存三
戶家祭無忘告兩河擊筑淚從天北至吹簫聲向日
南多知君恥讀王袁傳但使生徒廢蓼莪

贈陳鶴客兼懷朱朗詣

用真字韻

雀喧鳩鬧笑通津橫木爲門學隱淪名許詩家齊下
拜姓同孺子亦長貧風前剪燭尊無酒雪後班荆道
少人却憶西陵有羈客荒雞何處警霜晨

贈張綏子

前韵

名園綠水履綦新取次盤飧笑語真戴笠經過看老
客荷衣出拜記留賓往過異度泌園綏子尚羈貰故有遺山荷衣出拜之感十
年宿艸猶今雨半壁殘燈似故人莫訝心期託年少

通家孔李更誰親

仲冬六日吳門舟中夜飲飲罷放歌爲朱生維

章六十稱壽

甲午

吳門朱生朱亥儔行年六十猶敝裘生來長不滿六
尺胸中老氣橫九州朝鑿暮鹽心不省春花秋月身
自由席門縣薄有車轍臂鷹盤馬多俠游是時金闈
全盛日鶯花夾道連虎丘柳市金盤耀白日蘭房銀
燭明朱樓時時排場縱調笑往往借面裝併優觀者
如繡敢發口黎園子弟歸相尤就中張叟燕筑最骯
髒橫襟奮袖髯戟抽鄰翁掃松痛長夜相國寄子哀
清秋金陵丁老繼之誇饗鑠偷桃竊藥筋力迺月夜
劉唐尺八腿杖衣澗步風颶颶王倩公秀張五稚昭

得紅粧愁朱生皋兀作狡猾黔面髽髻衣臂韁健媼
行媒喧剝啄小婢角口含咿嘔矮郎背弓擔賣餅牧
豎口笛尋蹊牛鬚絲頰毛各有態搖頭掉舌誰能侔
吁嗟十載遭喪亂寄命朝夕同蟬蟠天地翻覆戲場
在干戈剝換顛毛畱老顛風景仍欲裂對酒歌哭庸
何郵瞽眼會過千歲刦當筵翻笑隔夜憂何妨使君
呼八騶跨坊綠幘戴紅兜下馬忽漫開口笑解貂參
預秉燭遊吳姬錦瑟許共醉鄂君翠被邀同舟雜坐
何當禁執手一笑豈惜傾纏頭商女歌殘燭花冷仙
人淚下鉛水稠夜烏拉拉散列炬村雞荒荒催酒籌

午夜前期問檻馬明朝樂事歸爽鳩朱生朱生且罷
休爲爾酌酒仍長謳張叟老丁齊七十老夫稍長亦
輦流兔烏天上不相待雞蟲人世難與謀且渝王倩
長舞袖更轉張五清歌唉歎斗眉頭展舊皺漬囊甕
面開新籌清商一部娛燕幕紅粉兩隊分鴻溝急須
伴我醉鄉醉安用笑彼囚山囚

次日篝燈泊舟吳塔呵凍漫稿

贈盛子久

鏡裏顛毛笑汙青浮雲心事鶴身形金光共室常清
淨玉斧尋真自杳冥白氳鶯僧分竹杖絳紗鹿女問

蓮經家山只在柴門外梵罷香銷看翠屏

燈屏詞十二首

贈龔大中丞

天河橫轉酒旗斜月駕青銀駐絳歌闋落梅人未

醉碧桃何事旋開花

神索風傳臺柏枝天街星傍火城移袖中籠得朝天
筆盡日歸來便畫眉

御席駝羨宣賜稀金盤行酒着珠衣笑他寒餓東方
朔自拔鸞刀割肉歸

換徵移宮樂句多玉簫風急渡銀河星娥月姊驚相
詰天上何人竊九歌

絡角星河不夜天花開花台不知眠小紅一片才飛
却却怪人間又一年
油壁青驄莫浪猜廻輪倒景坐徘徊香風却載紅雲
下傾利新看香市回

潑墨崇蘭泛曉霞石城玉雪漾平沙騷人香草休題
品此是西天稱意花草五玄韻譜不載此題

青瑣丹梯詰曲迴燈花交處見樓臺仙禽梵鳥紛如
織不漏身雲不入來

陽翟新聲換竹枝秋風紅豆又離披轉喉車子當筵
唱恰似儂家絕妙詞

璧月珠簾共一堂繁星列宿正低昂只嫌舞袖弓腰
闊尚是人間百戲場王雲平水鵝入齊草木歌
醉鄉曲部總華胥唱月催花建鼓旗贏得夜珠簾幙
外諸天如雨細如絲王雲平水鵝入齊草木歌
三月烟花玉藥遙文章江左倚靈簫不知誰度燈屏
曲唱遍揚州廿四橋王雲平水鵝入齊草木歌

次韵贈張燕筑

碧雲紅樹夢迢遙那有閒情付却腰曾向天家偷壓
笛親從羸女教吹簫一生花月張三影兩髻滄桑郭
四朝多謝東風扶素髮春來吹動樹頭飄

曲江野老復何爲調笑排場顧影時地上白毛如短
髮天邊青鏡與長眉秦淮明月金波在靄谷梅花玉
笛知秀嶺宮前歌一曲春風鶴髮太平期

芥閣詩次中峰蒼老原韻四首

讀書何似識拳頭老宿當機肯觸幽一粒須彌應着
眼百城烟水好維舟拂衣石盡憑誰數彈指門開不
用謀賸欲披襟談此事明燈落月正遲留

人世喧逐鏡裏頭閒園小閣貯深幽翻風跋浪分千
海暖日香雲隱一舟于野鶴鳴將子和定巢燕乳爲
孫謀哭他世上長年者白晝攤錢自滯畱

舫齋平繫子城頭穴壁穿櫺架構幽返照閃紅翻雉堞垂楊槎綠影漁舟盪雲決鳥從吾好駐月紆風與自謀聘望卽應同快閣奔星飛約任勾留

公車不肯赴納頭簾閣疎窓事事幽清曉卷書如繫繩當風放筆似行舟遺民共作悲秋語禪侶長爲結夏謀衰老不忘求末契憑闌真欲爲君畱

題鄒臣虎畫扇

大癡吹笛度秦關鄒子仙遊又不還破墨烟巒餘黯淡夕陽粉本在關山

浮嵐煖翠失連城漂墮今爲糞土英一角雲山留數

點爲君懷袖伴孤清

乙未秋日許更生扶侍太公邀侯月鷺翁于止路安卿登高莫釐峰頂口占二首

盪胸雲氣挾波濤彈指層湖萬頃遙却訴人間還有地信知今日是登高點空晴嶼開眉目啣岫陽烏見羽毛眠底三吳塵土界滿城風雨定蕭騷

五十流年昔夢中余與許翁別五十年矣登高錯莫御秋風整冠那得雙蓬鬢吹帽休嗟兩禿翁九日茱萸殘割火百年藜杖倚晴空夕陽橋社龍歸處笑指紅雲接海

遊東山雨花臺次許起文韵

拂石登臺坐白雲重湖浦澈似迴文夕陽多處暮山
好秋水波時木葉聞京墓烟輕一點出吳江靄重片
帆分高空却指南來雁知是衡陽第幾羣

路易公安卿置酒包山官舍卽席有作二首

綠酒紅燈簇紙屏臨觴三歎話晨星刊章一老餘頭
白抗疏千秋託汗青龍起蒼梧懷羽翼鶴歸華表貯
儀型擰腸魂壘須申寫放箸捫胸拉汝聽

霜鬚飄蕭念舊恩郎君東閣重相存饑來羹餌偏忘
勸亂去清歌記斷魂故國湖山禾黍日秋風賓客孟

嘗門燈前戰謹經吳越范蠡船頭好共論

朱內翰開宴二首

飛樓縹渺面湖光罨畫青山枕畫廊內史舊分丹漆
筆嫖姚新試綠沉槍聽殘金鑰談因夢焚却銀魚入
戲場四者難并君自惜肯辭絲竹出中堂

十眉環列飲秋光未了寒暄趣命觴拍岸湖波翻綠
醑銜山日影逗紅粧看花禁奪繙經眼微燭防賒惱
客腸惜別且携殘夢去燈昏歸路若爲長

送吳梅村宮諭赴召

清和黃葉滿平蕪月駕星輶肅首途病起恰逢吳八

月賦成還比漢三都香爐烟合朱衣在宮扇雲開玉佩趨花院槐廳多故事早傳音信到菰蘆

虎丘舟中戲爲張五穉昭題扇得絕句八首穉昭少年未娶不肯席帽北遊故詩及之

便面風流柳市知春心顧影問腰肢綠沉漆管餘蛾綠漫與東家畫十眉

蕙質蘭心桃李年祫衣迎臘未裝綿儂家舊住天河上不比牽牛會貫錢

歐骨虞筋寫硬黃白團紈扇墨衣香笑他弱腕奴書子簇簇簪花學女郎

輕紅攬袴拂廬眠蘆酒朝醺夜數錢紙帳梅花檀板月夢魂不到黑山邊

紅袖青衫匼匝時營擅花妥燕差池人中張五看誰是玉樹臨風只一枝

霜風午夜靜寒林何處柔和轉妙音五百仙人齊省記多生於此失禪心

昵枕羅衣袖許長餘干傳得口脂香從君煖老思燕玉只合溫柔是此鄉

一剪金刀滿鏡愁青春和髮水東流明年娶得桃花女十五盈盈並上頭

張五每自笑十三剃髮待明年娶婦好並上頭也

贈張坦公

中書行省古杭都曾有尚書曳履無暫借願廳居左
轄且拋手版領西湖懷中日月韜龍節匣裏風雷闕
虎符携得岱宗雲滿袖好將膚寸雨菰蘆

中朝九伐勒殊勲父老牽車拜使君藉草定追蘇白
詠澆花應酌岳于墳西陵古驛連殘燒南渡行宮入
亂雲註罷金經臥簾閣諸天春雨自繢紛

題京口避風館詩爲淮南李小有作

橫江樓館面金山白浪粘天如等閒恰是四禪清淨
地毘嵐風起不相關

吳天颶母互爭雄萬斛千帆簸蕩中魚鱉吐涎還失
笑何因平地起龍宮
吹浪江豚向晚多夕陽酤酒聽漁歌長年共指檣竿
笑少日鯨魚口裏過
未便江風彈指開浮囊謹護且徘徊老僧省得多生
事曾記河神小婢來

咫尺橫江濁浪腥新添水檻限青冥臨流莫唱公無
渡恐有人從魚腹聽

朔風吹動幾天昏四壁明燈笑語溫可歎爰居無屋
止避風常向魯東門

佛火經聲出浪堆
蝦鬚水母莫相催
齋時得食江神喜
約束龍魚受戒迴

三界風輪蕩不旋
避風小築倚江天
知君突兀千間屋
未是經營斷手年

